

НОРМУРОД НОРКОБИЛОВ

ЮЗМА-ЮЗ

(Қиссалар)

ТОШКЕНТ  
ЧУЛПОН НАШРИЕТИ

# ХАЗИНА

— Эҳ-ҳ, галварс!

Бу ғапни бирор әмас, жонидан ортиқ кўрадиган, қишлоққа келишини ҳар гал илҳақ кутадиган ўз тоғаси айтди. Айтгандаям ғазабдан бўғриқиб, еб-ютуб қўйгудек бир вожоҳатда айтди. У шу тобда ҳозиргина суюб эркалаган, бир дунё совға-салом ҳадя этган ширинсухан одамга сира-сира ўхшамас — аллақандай бегона, боз устига, қўрқинчли эди.

Сайд ер остидан унга мунғайиб қааркан, баҳона ўринисизлигини пайқади. Билмадим-да, деб-ку балога қолди. Энди яна нима десин? Аслида гапнинг рости ҳам шу эди: тангларнинг тиллалигини у билмади. Қаердан ҳам билсин? Тилла деганлари сўлкавойдан йирикроқ, қизғиш танглар эканлигини туш кўрибдими? Ялтироқлигию икки томондаги аллақандай тасвирларни демаса, қизиқарли жойи ўйқ. Агар тиллалигини билганда... Қайси гўрдан ҳам келиб қолди анови соқолли амаки? Келдию ҳаммасини супуриб-сидириб кетди-қолди. Лоақал топганинг ҳақи деб бир дона қолдириши лозим кўрмади. Ўлгудек хасис экан. Аслида ҳаммасига Зокир айбдор, дунё топган тентандай, бақириб оламни бузмаганида, ҳозир тилла санаб ўтиришган бўлармиди...

Кимдир ўйинқароқ бўлади, кимдир хаёл сурувчан... Сайдга расм чизишу кўҳна қишлоқда тентираб қунни кеч қилиш бўлса бас. У ердаги чолдеворларнинг таги теша билан наридан-бери чўқиланиб, салгина туртилса бўлди, бор бўйи билан гуппа қулайди. Худди уруш киноларида гидай...

Сайд мана шунисига ишқибоз.

Кўҳна қишлоқ кунчиқиша бўлиб, Улоқўйнар жарнинг пастида жойлашган. Бир замонлар олтмиш-етмиш хонадонли обод қишлоқ эди. Ҳозир унинг хароба чолдеворлари қолган, холос. Тунда йўли тушган одамнинг

лабига учуқ тошади. Ундан нарёғи адирлик, қўнғир тусли қирлар ортида зангори тоғлар сирли мудрайди. Жар тепасидан туриб дурбин билан қарабалса, тоғдаги арчаларгача бемалол илғаш мумкин.

Ҳар гал янги йил кирадиган кечада ўша томондан қорбобо меҳмон бўлиб келади. Қуруқ келмайди, албатта, ям-яшил арчаю совға-саломлар билан келади. «Баланд-баланд тоғлар ошдим, дарё-сойлар кечдим, байрам билан қутлагани, болажонлар сиз томон шошдим...» деб куйлаб ҳам қўяди. Саид қофияси келишимсиз бу гапларга чиппа-чин ищонарди. Аммо бу сафар бир воқеа сабаб бўлдию қорбобонинг сири очилиб қолди. Саид, нияти ерга тушиб кетган ўйинчоқни олиб, арча шохига илмоқчи эди. Ўйинчоққа қўл чўзганини билади, нақ тепасида қорбобонинг ўшқиргани эшитилди: «Жойингга бор, мишиқи!» Саид ҳайратдан донг қотди. Таниш овоз. Ким бўлди экан? Дарвоқе, адабиёт муаллими Садиров шу тарзда сўқинмасмиди? Бўёқ чапланган юзидаги чўмичдек бурни ҳам ўхшайди. Бола гарангсиганча сафга қайтди. Зокирни секин туртди:

«Ким ўзи бу?»

«Қорбобо».

«Муаллимга ўхшайди-ку».

«Иўқ, қорбобо!»

Шу-шу қорбободан кўнгли қолиб, ўйин-кулгига ҳам қўшилмади. Совға-салом улашаётганида диққат билан разм солди. Ва бирдан ҳаммасини сезиб, ҳафсаласи пир бўлди-қўйди. Садиров хийла ҳориган, овозига ортиқ тус бермай қўйган эди: «Бу сенга, мана буниси сенга...»

Саид уйга келасолиб бобосига ҳасрат қилди: «Бобо, қорбобо деганлағи фирт ёлғон экан. Садиров муаллим экан у». Бобо кулди:

«Ҳа, энди... төғдан арча оптушгандан кейин қорбобо бўлади-да, болам».

«Ия, арча оптушган одам қорбобо бўлаверадими?»

«Ҳа-да».

«Унда нега сиз оптушмайсиз?»

«Белда қувват жўқ-да, болам».

«Агар тоғдан арча оптушсан, мен ҳам қорбобо бўламанми?»

«Ҳа. Аммо бунга ҳозирча кичиклик қиласан».

Бола ҳар сафар узоқдаги тоғларга ҳавас билан боқаркан, ўзининг кичиклигидан ўксинади. Қани энди, тезроқ улғая қолса! Ўшандаг каттакон арча келтириб, ҳаммани қойил қолдирган бўларди.

Боланинг ҳавасини қўзғотиб, ҳар йили апрелнинг ўрталарида юқори синф ўқувчилари муаллимлар бошчилигига тоққа чиқишиади. Холбой раисдан минг ялинишу ёлворишиллар билан ундирилган юқ машина тонг саҳарлаб сигнал беради є мактаб ёнидаги сайҳонликда одам қайнайди. Бир кишини ўн киши кузатиб чиққан — нақ сайил дейсиз... Хуллас, ҳамма йигилгач, география ўқитувчиси Кўчқортов шусиз ҳам новча бўйини кўз-кўз қўлгандек, майдон четидаги тош устига чиқиб, одатдаги маърузасини бошлайди: «Тоғда энг муҳими, кўзга қарашу оёқни авайлаб босиш. Оёқ остидан бехос кўчган тош ортда келаётган бошқа бирорни майиб қилиши мумкин. Шунинг-чун...» Унинг узундан-узун нутқи жонқулоқ билан тингланади. Тўсатдан ўргага Карим дўхтири суқилади: «Домланинг гапи тўғри. Энди қолган гапни мендан эшитинг, — у сигарет бурқситиб, боши билан тоғ томонга ишора қиласди. — Ҳозир чўкирининг айни етилган пайти. Айниқса, тошбосдиси... Лекин зинҳорбазинҳор тўйиб-тўйиб еманглар. Чўкирининг ози яхши, кўпи оғиздан қорасув келтиради...» Табиий, унинг гапи болаларга зифирча таъсир этмайди, равочга бир тўймоқни аллақачон дилларига туғиб қўйишган, бунинг устига, Карим дўхтирининг ўзи нимаю, сўзи нима, ўзи ким кўргангча ичиш зарап, чекиш зарап дейди-ю, ҳафтада магазин ёнида бир учиб қолмаса ҳисобмас.

Карим дўхтирининг гапи чала қолади, болалар гурра машина сари интилишади. Ариқ бўйидаги чимда кимдир дамлаб чиққан чойни майдалаб ўтирган Эркин шофёр ўзининг борлигини эслатади: «Қаёқка?!— дейди амиронга оҳангда.— Худди подадай... Олдин қизлар чиқсин. Тўполон қилчимасин! Асабим чатоқ! Тушириб қолдираман!» Унга штоат этмай илож йўқ, ўғил болалар бўшашибганча қизларга йўл очишади. «Қани, қўшиқдан бўлсин!— дейди Эркин шофёр кабинага кўтарилаётib қизларга.— Фақат шўх-шўхидан бўлсін!» Зум ўтмай қизларнинг қўнғироқдай овози қишлоқни тутади.

Саид машина кетидан катта йўлгача чопиб келади. Ўртоқлари кўпrik ёнида қолишади. Улар шунчаки эрмак учун чопишади. Саид эса... Қани энди, бирор мўъжиза юз берсаю машинага илашиб олса. Аммо мўъжизанинг содир бўлиши қийин. Шунингдек, ялиниш ҳам бефойда, тоғ саёҳати учун камида бешинчи синфда ўқиши лозим. У эса эндигина учинчи синфга ўтган. Шу биси хуморини дурбин билан босади. Дурбинни деб кун бўйи Тўлаган овчининг пиёзини ўтаб беришдан ҳам

зернмайди. Овчин сариншта одам, бир соатдан ортиқа бермайди дурбинни. Сайд түзукроқ томоша қилишгә улгурмай, овчиннинг бадқевоқ ўғли — Төвқора қўлидан дурбинни олиб кўяди. Шундан сўнг бола эрмак истаб кўхна қишлоқда энади Эрмакка чолдевор йиқитади. Баъзилари осонгина йиқилади, баъзиларига эса хийла уриниш керак. Иёки бер девор тагида қолай деди. Тергайдиган одам йўқ. Кўрганлар кулади: «Ҳа, тилла қидиряпсанми?»

Нафсиларини айтіанда, бу гапда жон бор. Узоқ йили Ўроқ чол кўп эмас, оз эмас, нақ ярим килоча тилла тақинчоқлар топиб олди. Лекин тилла деганлари қидирганга топилмас экан шекилли, Ўроқ чолдан кейин тўрт-беш одам у ер-бу ерни чўқилаб, чағиртошу сопол бўлакларидан бошқа нарса учратишолмади. Чол бўлса— ток тагига солиш учун кесак олаётган экан.

Албатта, бу воқеаларни бола кўрмаган, эшигтан. Бундан ташқари бўбосидан яна кўп нарсаларни эшигтан. Унинг айтишчича, кўхна қишлоқнинг учдан бири бадавлат ўтганмиси. Қодирбой, Самандарбой, Чўлибой, Тўрабой... хуллас, санофи йигирмадан ошади. Инқилобдан кейин улар дар томонга тарқалиб кетган: бири қулоқ қилинган, бири гоф ошиб кетган, яна бири.., қисқаси, Олим чиноқ уларга кун бермабди, аканг шўро, леб барчасини қон қақшатган. Боланинг ишонгиси келмайди: «Шу ўзимизнинг қоровул бово-я?!» Бобо жилмаяди: «О-о, жигитлигига кўрсанг эди, бовонгди. Белида наган, тагида Самандарбойнинг тўриғи... Э, нимасини айтай, нафасига ош пишарди, бовонгди. Кўрдинг, ҳалиям мильтиқнинг ўқидай, бирор саксон берай демайди».

Сайд бобосининг қоқсуюк тиззасига ёпишиб, ҳикоянинг давомини тинглайди.

Уша йиллари қишлоқ юқорисидаги Қирқбулоқ ва Мингбулоқдан сув қочиб, қишлоқ аҳли қуйига энибди. Биринчи бўлиб, Ўроқ чол. Тирикчилиги пахтадан экан, дарё бўйидаги тўқайзорга ўт қўйибди, ер очибди. Одамлар ҳайрон, дарё суви уч газ пастда, сувни қандай оларкин? Ўроқ чол ҳафта йўқ бўлиб кетиб, бир арава ёғочтакта билан қайтибди. Ерга алланималарни чизибди да, шунга қараб катта чархналак ясади. Кўплашиб уни дарё бўйига ўрнатибди. Чаржпалак деганлари хўп яши нарса экан, сувни беминнат чиқаравераркан. Шундан кейин Ўроқ чол аввал ката тикибди, сўнг уй қурибди. Бийдек даштда Злғиз кулба. Қишлоқ номи шундан қолган — Янкатом. Қейинчалик бирин-сирин бошқалар

кўчиб ўтибди. Кўхна қишлоқдан эса, эски чолдевору афсонавий хазиналаргина қолибди. Бироқ бобоси хазинага унча ишонмайди: «Бекор гап,— дейди қўл силтаб.— Эски бойлар тиллага ружу қўйишмаган, чорвага ўч бўлишган улар. Биргина Самандарбойнинг ўзида ушоқ молдан минг бош эди. Қолғанлариники ҳам ундан кам эмасди. Тағин ким билади дейсан. Ҳаржалай, илгарининг одамлари тилла демасди. Аммо-лекин чорванинг лири эди улар. Ҳозирги одамларга ҳайрон қоласан киши, қўй дея қўра ўгиради, қўй боқишини билмайди, мол дея оғил қуради, молнинг маънисига етмайди. Билсанг, бўтам, қўй боқишининг ўз йўриғи бор, яъниким қўйни оёғи боқади. Журиб ҳоримасанг, бўлди, қўй жонивор ўз емишини ўзи топади. Даشت тикони жемдан афзал. Афзаллиги шундаки, қўй уни танлаб жейди, суйиб жейди. Қейин қарабсанки, уй ойда тип-тикка бўлиб турибди. Билмаган одам ярим жил боқувда жотган деб ўйлайди. Ий-й, эринмаган одамга қўй бир хазина. Ҳозиргиларга «хазна» десанг, қўй қолиб, Кўхна қишлоқни тушунади, Самандарбойнинг кўммасини излайди».

Ривоятларга қўра, ўша алғов-далғов йиллари Самандарбой топган-тутганини тиллага айлантирибди-да, одам топмас ерга кўмибди. Олим чиноқ қанча қисди-бастига олмасин, тиш ёрмабди, худо насиб этиб, соғомон қайтсам, ялоғингни тилладан ясаб, итимни қаватига боғлаб қўяман сени, деганимиш.

Аммо бобо буни рад этади: «Ўтирик<sup>1</sup>,— дейди.— Тилланинг дарагини эшитса, Олим чиноқ қараб ўтирашибди. Терисига сомён тиқиб бўса-да, топтиради. Топмай қўймасди. Олим чиноқ дейдилар уни. Жигитлигига кўп ярамас эди, баччағар. Этида озгина жири борди олата-сир қулоқ қиласарди. Молини-ку олдинг, жони билан нима ишинг бор, дейдиган мард жўқ. Финг десанг, варангла-тиб озвингдан огадиган шашти бор, энағарди... Гапи-рарга журак човадими? Бир майдон менгаям жовущиб кўрган. Гуноҳим ўн-ўн беш қўйим... Мана бўмасам деб бир кечада ҳаммасини гум қилдим. Шундан сўғин қулоғим тинчили. Шўйтиб бу бовоңгди савобидан гуноҳи кўп. Упкалиги бор да, салла деб каллани чалиб кетаберган. Аммо-лекин ўшанда кетмонминам човиб ташлай дедим-у, тағин шайтонга ҳай бердим. Момонгди кўзим қиймади. Янги уйланганман, чимилдиқда чириллаб

<sup>1</sup> Ўтирик — ёлғон.

комасин дедим. Лекин Чўлибойдинг кичкина аёли — Майрам қовчин ўчимди оберган. Уроқминам бошига ураман деб, қулоғини учирив жуборган. Қайси Майрам дейсанми? Элдор қийшиқди энаси-да. Ҳи, сувди бўйидаги-си. Кампир шу қочианча қочиб, бу томонларга уруш олди қайтган. Элдор қийшиқ иккинчи эридан. Кампир Чўлибойдинг суюкли хотини эди. Бой бу аёлига яхши қарашарди. Ўзиям сал пал савдогарнамо феъли бориди, бу ёғи Самарқанд, у ёғи Бухоро қатнаб, аёлига жўқ жердаги тилла тақинчоқларни опкеб берарди. Олим чи-поқ ана шу тақинчоқларга кўз олайтирган. Тақинчоққа чанг солған киши бўлиб, аёлди кўксига қўл жуборган. Майрам қовчин саҳро боласи эмасми, ори қўзиб, ўроқминам сопқолган. Агар тилла қоган бўлса, шу Чўлибайдан қоган. Сошқаларди тилла-пиллага унча ҳуши жўқ эди. Ҳозир... кимди қўлига қарама — жилт-жилт, овзига қарама — жилт-жилт...»

Бобосининг куйганича бор. Қайсиdir йили Сайқал кампир ўзига тилла тиш қўйдирдию бу нарса тезда қишлоққа расм бўлди Ҳоли етган-етмаган ундан андоза олишга тиришади. Кампирни эса қўяверасиз, бурун бирорвга тишини оқини кўрсатмайдиган одам, энди ҳудабехуда оғзини кагта очиб илжайдиган одат чиқарган. Тўй-ҳашамаларда бир тилла тишларини мақтаса, бир тиш дўхтирини алқайди.

Аммо ҳикоянинг бугунги кунга алоқадор томони болани қизиқтирмайди, қўли бўш қолди дегунча кўҳна қишлоқни титкилади.

Бугун у Зокирни бошлаб чиқди. Аввалига ўтган йилги қуруқ хас-хашакларни йиғиб, катта гулхан ёқишиди. Ўт устида ирғишилаб, роса «ажина ўйин» қилишиди. Сўнгра йўл бўйидаги баланд чолдевор билан андармоз бўлишиди. Қалин тахса таги осон кўча қолмади. Хийла уринишу тер тўкишдан кейингина қимирлай бошлади.

— Қоч! — деди Сайд ҳаяжони ичига сиғмай. — Ҳозир йиқилади! Ура-а!

Омонат турган девор енгил туртқидан гурсиллаб қулади.

Сайд гупниа кўтарилиган чангдан қочаётисб, Зокирнинг тўсатдан қичқириб юбрғанини эшилди. Чаён чақди деб ўйлади. Үгирилиб қаради. Зокир мук тушганча кесаклар орасидан нимадир термоқчи эди. Қизиқсиниб яқинроқ борди. Кўзларига ишонмади. Кесаклар орасида сопол бўлаклари, олам-жаҳон йирик-йирик қизиш тангалар сочилиб ётарди. Ялтироқ нарсага ўлгудек ўч Зо-

кир, ҳаяжонини босолмай, иккинчи бор қичқириб юборди. Овозида ҳайратдан ташқари, қизғаниш оҳанги ҳам бор эди. Саид қўлидаги тешани улоқтириб, унинг қаватига чўйкалади

Тангалар билан бўлиб, тепасига келиб қолган соқолли амакини у кеч пайқади. Қачонки, йўғон, жундор бармоқлар қўлидаги танга тўла дўппига чўзилгандаги на кўрди уни. Амаки тангалардан бирини бақувват тишлари орасига олди. Болалар унинг қилиғидан бир муддат анграйиб туришди-да, сўнг биттадан тангани оғизларига олиб боришиди. Бирор маза туйишмади.

Бу орада амаки ажаб бир шошқалоқлик билан теваракка аланг-жаланг қаранди-да, тезгина белидан белбоғини ечиб, ерга ёзди. Дўппидаги тангаларни унга афдарди. Воқеани фаҳмлаган Зокир қочмоқни мўлжал қилиб турган эди, амаки шундай бир ўқрайдики, бечора қўрққанидан дўпписини қўшқўллаб узатганини билмай қолди. Амаки белбоғни маҳкам тугиб, қўлтиғига қистираркан, чўйкалаб кесаклар орасини яна бир сидра титкилаб чиқди. Кейин йўлга сочилган кесакларга тумшуқ тираб тургай сариқ «Жигули» томон юрди. У жўнаб кетиши билан Зокир чўнтағидан уч-тўрт танга чиқарди. Саидга кўз-кўз қилди. Бундан Саиднинг алами келди, бирини менга бер, дея қўлини чўзди. Бунга жавобан Зокир тилини кўрсатди. Боланинг жаҳли қўзиди.

Улар болалар гўп ўйнашётган сайҳонликка қадар қувлашиб келдилар. Саид болалар ёнида қолди, Зокир уйига кетди.

Ўйин билан андармон бўлиб, Саид тангаларни бутунлай унутиб юборди. Тушдан сўнг эран-қаран уйига қайтаркан, дарвоза олдида ғазабли қиёфадаги энаси ни учратди. Беихтиёр кундалик юмушларини хаёлидан кечирди: ўт юлуб келинган, ҳовузга сув тўлдирилган, молхона супуриб сидирилган... яна нимани унутди экан? Дарвоқе, тутзор бўйида қантариқли эшаги жилдирувсиз қолибди-ку. Қизиқ, энаси буни қаердан била қолди экан? Ўйлаб ўйига етгунча бўлмай, қулоги тагига тарсаки тушиб қолди. Бола қўрқувдан эмас, ҳайратдан донг қотди. Негаки, энаси қанчалик қаҳрланмасин, кошишу хивич ўқталишдан нарига ўтмасди. Бу нимаси? Не гуноҳ қилибдики, бу қадар ғазабга минса?

Энаси яна урмоққа чоғланаётганини кўриб, бола кетига тисланди.

— Нимага урасиз?! Нима қилдим мен сизга?!— деди жаҳли чиқиб.

— Уриш ҳам гапни, ўлдираман сени! — деди энаси кўзлари ёниб. — Тилла топган экансай, анграймай, уйга чолмайсанми, жувонмарг! Рўзихол читтакнинг чигитдек боласи тўртласини эплаганда, сен биттасиниям эвии қилолмадингми, ергина тортгур!

— Билмадим-да!

Бу гапдан онанинг газаби баттар алангаланди. Агар шу тобда катта кўча бошидан таниш машина сигнали эшитилмаганида, ким билади, бу аланга оташида бола куйиб кул бўлармиди. Ҳайтовур, сигнал ўз вақтида чалинди, гўё қўшсурнай, ноласи қулоқни тешади. Бунақаси фақат тоғасининг машинасида бор ва буни таъкидламоқчидай, ҳар сафар қишлоққа қайтганида, узоқдан сигнал бериб келади. Она сергак тортди, ҳамлага кўтарилигган қўли ҳавода муаллақ қолди. Бу орада сигнал иккинчи бор қайтарилиди. У кенг-мўл кўйлаги этагини ҳалпиллатганча меҳмонга пешвоз юрди.

Машина келиб гўхтаганда Сайд қувонишини ҳам, хэфа бўлишини ҳам билмай паришон турарди. Тора ўзи томон имлагачгина ҳушёр тортди. Йинглаб юборишдан базур тийилиб, у томон юрди.

— Ия, сени ким хафа қилди? — Тора уни бағрига тертиб, қўлига тизимча билан боғланган чоғроққина картон қути тутқазди. — Қара, сенга нималар олиб келдим.

Меҳмон ҳурмати, онанинг бир зумга пасайган жаҳли қайтадан жунбушга келди. Лаби лабига тегмай кўҳна қишлоқ воқеасини жаврай кетди.

Бола энди бу ёғидан хотиржам эди. Нимага деганда ҳар неки балога тоға кўндаланг, бировга хафа қилдириб қўймайди. Аввалига жилмаяди, сўнг кескин кўл силтайди, қўйинг, ҳадеб обидийда қилаверманг, дейди. Шундан сўнг энасининг чакаги ўчади.

У кутгандек, бу сафар ҳам тоға онанинг гапларини, одатдагидек, ним табассум ила лоқайд тинглади. Тинглаб турган жойида бирдан тузи ўзгариб кетди:

— Эҳ-ҳ, галварс!

У Зокирни дарвозаси ёнида топди.

Жўрасининг кайфияти бузук, укаси ўтирган аравачани нари-бери сургаб юрарди.

Сайд бир иш чиқишига унчалик ишонмаса-да, унга умидвор тикилди.

— Жо-он, жўра жон, ҳалиги тангалардан биттасини менга бер, — деди.

Зокир унга хушламайгина қараб қўйиб, секин чўн-тагига қўл юборди. Буни кўриб, бола кўзларига ишонмади, азбаройи қувонганидан товоnlаригача жимиirlаб кетди. Мана энди энасининг чакаги ўчадиган бўлди. Ёся онаси койина тўриб, тоғасига арз қилди: «Ҳеч бўлмаганда биттагинасини липпасига яшириб қолмайдими? Үзимга иккитагина тиш қўйдириб олардим-а». Шу гапдан сўнг Саид бу ёқقا юргурган, ялиниб бўлса-да, тангалардан бирини қўлга киритмоқчи эди. Назарида, тангани олиб бориши билан уйдан дилсиёҳлик арийдигандек эди.

Хозир ўртоғининг кутилмаганда осон кўнганидан меҳри ийиб, уни қандай хурсанд этмоқни ўйларкан, бирдан йигма брезент курсига орзуманд эканини эслади. Эвазига курсини сўраб қолса-я, деган ўй ўтди хаёлидан. Айни дамда, агар шу ҳол юз берса, нима қиларини билмасди. Негаки курси тоғасиники. Аничадан бери омбортомда чанг босиб ётибди. У ерда курсидан ташқари мольберт, турли-туман картиналар, мўйқаламу бўёқлар бор. Тоғаси яқин йилларгача дала-даштга, дарё бўйига чиқиб расм чизарди. Кейин нима бўлди-ю бу юмушни йиғишириб қўйди.. Бир гал Зокир курсига ёпишиб олди: кинобоп экан, кел, фонарга алмаштирамиз. Саид бош чайқади, йўқ, тоғам бунда ўтириб расм чизади, эшитса, хафа бўлади. Хуллас, магазин ёнидаги ялангликка кўчма кио қелган кунлари яланг ерда ўтириб кио кўрса кўрадики, лекин курсига қўл тегизмайди, тоғасининг буюмларини бекаму кўст асрароқ ҳаракат қиласди. Қолаверса бобоси васият қилган. «Ҳовли-жой, мол-ҳол... бари Ҳусратники. От айланиб қозиғини топар... бир кун қайтиб келар, умр бўйи шаҳарда қолиб кетмас...»

Курсини бериш-бермасликни ўйлаб турган жойида туйқусдан омбортом бурчагига бекитиб қўйилган расм эсига тушиб, Санҷ ўзида йўқ қувониб кетди. Уни бир ой бурун тугаллаб, тоғасининг келишига асраб қўйган. Ҳали хаёлига келмаганини қаранг. Уни кўрса, тоғаси албатта, жаҳлдан тушган, одатдагидек, о-о, сен зўр талант, дея мақтаган бўларди. Нега илгарироқ эсига келмади-я? Ахир тоғисидек одам уддалаётмаган ишни қоийл қилиб қўйди-ку...

Айни кўклам кезлари эди. Шивалаб ёниб ўтган ёмғирдан сўнг ҳавода тупроқ ва ўт-ўланлар ҳиди анқирди. Ҳовлида ғимирсиб юрган тоға қўлларини бир оз чўзганча тўсатдан ҳайқириб қолди: «Ой-й, бунинг чи-

ройлилигини!» Чоғроққина аравани суреб, ўйнаб юрган Саид тоғаси тикилиб турган томонга бөкди, ҳеч балони англамади. Ёнғоқда кўз кўрмаган бирор қаш-пуш қўниб тургандир-да, деган ўйда дараҳт шохларига бир сира кўз югуртириб чиқди. «Ажойиб манзара!» Тоға шундай дея бир одим олға босди-да, яна жойида қотди. Бола шундагина унинг алвонранг уфққа маҳлиё бўлиб қолганини фаҳмлади. Ўзи тез-тез кўриб турадиган одатий бу манзарага бу сафар айрича эътибор билан разм солди. Шафақ ҳақиқатда гўзал, ҳатто кўкдаги сочиқ булатларга ҳам қирмизи ранг инган эди. «Қани энди буни чиза билсанг,— деди тоға бу сафар алланечук надоматли оҳангда.— Йў-ўқ, тасвир этмоқ қийин буни!» Ушандада бу иш Саидга жуда осон туюлди. Нимаси қийин? Оппоқ қофоз юзига қирмизи рангни қуюқ берсанг бўлди-да. У шундай қилди ҳам. Аммо манзара чиқмади, оппоқ қофоз қирмизи ранг олди, холос. Шафақ ранги чексиз, тиник, фусункор, нозик... У бисотидаги бор бўёғини ишлатиб кўрди. Барибир тасвирдаги совуқлик йўқолмади, этни жунжиктирувчи нимадир уфириб турарди ундан. Шафақ ранги эса, ўзгача, беихтиёр қанот ёзиб бағрига сингиб кетгинг келади. Саид ранглардаги тафовутни англаёлмай бир ойча боши қотиб юрди, торгина хонаси чала чизгиларга тўлиб кетди. Охири бўлмади, расм дарси пайтида ўқитувчисига дил ёрди: «Малим, сиз... сиз шафақни чизаоласизми?» Ўқитувчи журнал тўлдираётганди, норози чимирилиб, стол устига бўш стаканни тақ этиб қўйди: «Сен аввал буни чиз!»

Саид саволи жавобсиз қолганидан сўнг ҳам тинчмади. Куйманиб юриб, секин-аста бўёқлардан ранг ясашни ўрганди. Ва ниҳоят бир куни шафақ рангини топгандай бўлди. Айнан ўҳшамаса-да, рангдан илгариги совуқлик ариган, кишини мафтун этувчи нимадир бор эди унда.

Шунча оворагарчилик тоғаси учун, тўғрироғи, унинг бир оғиз ширин гапи учун эди. Ҳозир боради-да, расмни тоғасига кўрсатала, нималарга қодирлигини бир кўриб қўйсин у. Курсини Зокирга беради, тилла тангани эса энасига, қисқаси, ҳаммаси жойида бўлади.

Саид, курси сеники, жўражон, демоққа лаб жуфтлаган ҳам эдики Зокир чўнтағидан конфет чиқарди.

— Тиллалар отамда,— деди оғзига конфет солиб,— Нега кўпроқ олмадинг деб, тоза уришди. Айтгандай, энаанг терингни шиламан деб юрувди, кўрдими?..

Бола уйга хомуш қайтди.

Тоға супа четида ерга тикилганча сигарет тутатиб ўтирган экан, уни кўриб, бери кел, дея ёнига имлади. Шунда Саид, ҳозир, дея омбортомга чопди. Бекитиб қўйган жойидан расмни олиб, гуурорли бир қиёфада тоғасига яқинлаши. Худди шундай вазиятда унинг юзи-даги шилдироқ қофозни олди. Аммо у кутганча бўлмади — тоға на қувоҷи, на мақтади, расмга анчайин бир қараб қўйди-да, сўради:

— Машина номерини эслаб қолганимисан?

Бола гуноҳкорона бош эгди.

Тоғанинг афти баттар тундлаши. Наридаги лўла-болишга муштики тираб, унга ёвқараш қилди.

— Ландавур!

Ошхона тарафдан энасининг овози эшитилди.

— Нусратилла, сув бўйига борасанми? У-бу нарса тугиб берайми?

— Йўқ.

Бу гапдан бола ғоят ажабланди. Негаки, тоға азал-азалдан уйда қўним топиб ўтирадиган одам эмас, айниқса, саратон кезлари қишлоққа келди дегунча бир пиёла чойни наридан бери ичади-да, тўқайзорга ошиқади. Кунини ўша ерда ўтказади.

Тўқайзор — икки дарё туташган тик жарлик ўртасидаги кенг майдон. Дэрё бу ерда хийла сокин оқади. Қирғоқ бўйи қалин ажриқзор — худди атай тўшалгандай, юмалаб-юмалаб ўйнагинг, чўзилиб ётгинг келади. Ундан нарёги жар тубигача иргай, тўронги, супурги сингари бута ва дарахтлардан иборат қалин чакалакзор, яъни унча-бунча садам дориёлмайдиган овлоқ жой.

Тоға машинасини жар тепасидаги якка қайрағоч остида қолдириб, тор сўқмоқдан пастга энади. Аввал қармоқни сувга ташлайди, сўнг шошилмай ечинади. Чим босиб, қирғоқ бўйлаб бир муддат сайр қилган бўлади. Кейин ерга ташланган тўшамчада чордона қуриб, каттакон сумкани олдига тортади, қани, онанг нималар солибди, дея ундаги карсаларни дастурхонга теради-да, завқ билан кафтларини бир-бирига ишқайди: «Эрон шоҳидан қаеримиз кам, а?» Чойгум тагига ўт қалаётган Саид гоҳ дастурхондаги егуликларга, гоҳ тоғасига қараб, ўзи кўрмаган, билмаган эрон шоҳини тасаввур қилишга ҳаракат қилади. Ҳарчанд уринса-да, қайсиadir китобда кўрган, тўкин дастурхон бошида гумбаздай бўлиб ўтирганча, лунжига овқат тиқишириётган кўсанамо кимсадан ўзгасини кўз олдига келтиролмайди, шоҳ дегани шу бўлса керак-да.

Тоға гүё унини фикрини уққандай шўхчан кўз қиради. Кулади. Кулиб туриб аввалдан сувга ташлаб қўйилган шишани қўлига олади. Пиёлани яримлатиб қуяди. Тишлари орасидан узоқ симиради. Сўнг қўлига пи-чоқни өлиб, картошка, пиёз тозалайди. Орада яна бир ичади. Бодринг газак қилади. Ишлаб туриб теваракатрофга суқли назар ташлайди. Учинчи пиёладан сўнг туйқусдан оламни қучгандек бир важоҳатда қулочини кенг ёзди: «Оҳ-ҳ, нақадар ажойиб! Ҳар қандай курорти бу ердан ўтаверсин!..» Тоғанинг завқли хитоблари тўртинчи пиёлагача давом этади ва шундан сўнг у қозонга уннайди.

Тоғанинг завқланганича бор. Тўқайзор ўзига хос бир олам: кишилар назаридан четда бўлгани учунми, нақ ўрмон тусини олган, сайд этмоқни ихтиёр этган киши ўзини бамисоли Африка ўрмоnlарида ҳис қилмори тайин. Ҳатто еру кўкка аёвсиз оташ пуркаётган қуёш тафти ҳам, сув эпкиниданми, сезиларли даражада пасайгандек туюлади. Дашиб бўриларидан бўлак барча жониворлар бу ерни макон тутишган, шовқинламай тинчгина ўтирган одам сувга энган тулкиниям, қуёниям, шунингдек, одамларни тарк этган ёввойи мушукниям кўриши мумкин. Турли томонга чўзилиб кетган энсиз сўқмоқлар ўта сирли... ичкарироқ киришга юрак бетламайди. Эҳтнётсизлик қилсангиз, шохларга чирмашиб ётган илонларга дуч келишингиз ҳеч гапмас. Йкки йилча бурун Эрмат ҳисобчини илон чақиб ўлдирдию одамларда тўқайзорга нисбатан кучли адоварат ўйғонди. Ут қўймоққа аҳд қилдилар. Аммо тўқайзор четида дўмпайган Бойқобил командирнинг қабри туфайли бу ишга бирор кимса журъат этолмади.

«Лекин... — дейди тоға андуҳли оҳангда, тутган баликларини бирма-бир қозонга соларкан, — бизнинг одамлар жоннинг қадрини билишмайди. Билганиям пул сарфлаб аллақаेरларда санқиб юришади. Ўша пулга йўқ деганда учта семиз қўй келади. Бирини сўйиб, бир ҳафта шу ерда қорин қашиб ётмайдими. Сочи-иочи деб юрмай. Отанг эса шуниям қилмайди. Саксовулга ўхшаб буришиб-тиришиб юргани-юрган. Кеча айтсам, кулади, рўзгорни кимга ташлаб кетамиз деб...»

Бола отаси тўғрисидаги гапларни ёқтирмайди. Отасини ҳимоя қилмоққа оғиз жуфтлади-ю, лекин боти-юлмайди. Аламини ўчоқдаги ўтдан олади — қўлидаги косов билан титиб ташлайди. Тутаётган чалаларни қай-

та қалай туриб, тарин ўзини овутади: «Отамнинг иши кўплигини билмайди-да, билса бундай демасди». Ҳақиқатдан отаси ишга туғилган: кундузлари далада, эрта ва оқшомлари томорқаю мол-ҳолдан бўшамайди. Боз устига, бобосининг вафотидан кейин томорқа янада кенгайган. Уртадаги девор номига — емирилавериб тизза бўйи қолган. Чолнинг моллари бу ҳовлига ўтган. Тоға ҳар қайтганда, отаси бобосининг васиятларини қулоғига қуяди: «Нусратиллавой, энди кеп жойга эгалик қилинг. Узоқдинг буғдойидан жақиннинг сомони яхши деганлар. Етар шунчача... дайдиганингиз». Тоға тугал бир гап айтмайди. Алқайди: «Худо сизга қувват берсин, почча! Сиз борки, мана биз эмин-эркин юрибмиз. Ҳозирча насибамиз ўша ёқларга сочилган экан... Энди...» Отанинг кўзларига нам энгандай бўлади, ҳа, қўлимиздан келганча, дейди овози бўғилироқ. Бу гапдан сўнг тоға унга синовчан тикилиб дейди: «Қўйнидан тўкилса, қўнжига деганлар, шу ҳовли-жойдан кечдим, мол-ҳолдан ҳам, почча. Бари Саидга... Саидники ҳаммаси!» Ота бир муддат эсанкирагандай бўлиб туради-да, сўнг ошиқиброқ эътиroz билдиради: «Эби, эби, ундай деманг! Бундайчикин гап билан оғизди булғаманг, уят бўлади! Омонатга хиёнат қилмоқлик гуноҳдир! Одамди коғирликка унダメнг! Чолнинг арвоҳи чирқиллайди. Қўлимда жон бераётисиб, васият қилган... Гуноҳга ботирманг мени! Саидвойдан эса злағда бўлманг, топганим шуничи...» «Мол эгаси меними? — дейди тоға бўш келмаган бўлиб.— Кимга нима инъом этишга ҳақим борми? Шундай бўлгач, мен рози — худо рози. Ана ҳаммасини Саидга бердим. Олинг». Ота — содда, тоғанинг кўзларида жилваланган қув табассумни илғамайди, қайсиdir маънода эрмак бўлаётганини пайқамайди. Утирган жойида оғир тебраниб, ўта жиддий оҳангда таъкидлайди: «Аввал сиз васиятни бажаринг. Бундай каттазанг бўлманг! Мулкингиз ўзингизга буюрсин». «Ҳеч бўлмаса, қаров ҳақига ярмини олинг». «Ушоғини ҳам олмайман». «Беминнат қарайверасизми?» «Нега қарамай? Тилсиз жониворда не гуноҳ. Молимди ичиди юрибди-да.» «Унда ҳовли...» «Олангиз бир этак бола туғиб берибдимики, ҳовлини ташвишини қилсам. — Ота чегарадан ҳатлаганини пайқаб, дарҳол хаспӯшлашга тиришади. — Узр, тил қурғур бесуяк. Агар ўнта улим қатор тургандаям чолнинг бир ғиштига тегмасдим. Нима деяпсиз мени?!» Тоға унга қизиқиши ва эҳтиром билан тикилади: «Бир парча ерни деб ака уканинг бошини ёраётган бир замонда...

сизнинг гапларингиз хўб ғалати эши биларкан, почча». «Билмадим, оға-иним билан жиққа-мушт бўлган одам эмасман. Ҳар банданинг ўзига инсоф берсин. Бирорга қараб тўн бичманг. Бичиғи қийшиқ чиқиб, ўзингиз уялиб қоласиз». «Мана шу феълингизга борман-да, почча! — Тоғанинг овози товланиб кетади.— Рости, акам йўқ деб ўкинмасам ҳам бўлади. Тўғриси, ҳар қандай аканнинг ҳам қўлидан келавермайди бу иш. Сизни ҳурмат қиласман, почча!» «Бизам сизди иззат қиласиз, Нусратвой!» «Кам бўлманг. — Тоға унинг букилиши қийин бўлган ўнг оёғига боқаркан, юзига ошкора ачиниш ифодаси қалқииди. — Почча, сизам, бизди гапди олинг. Оёқди қаратинг. Истасангиз, шаҳардаги энг зўр дўхтириларга кўрсатишим мумкин. Сиз бир оғиз хўп десангиз бўлди». «Вақт келар, кўрсатармиз ҳам». «Қачондан бери шу гап.— Тоғанинг жаҳли қўзииди.— Ўзингизга бунча беэътибор бўлманг, э, почча!» «Ий-й, балнисида ётишиди ўзи бўладими, юрак тарс ёрилиб кетай дейди». «Туришингизни кўрган одамнинг юрагига ваҳима инади-ю, топган гапингизди қаранг!» «Оёқ оврувдан бирор ўлмаган. Ҳов бирда опкелган сассиқ дорингиздан товуб берсангиз бўлди, бир амаллаб ўзим тузатиб оларман. Синадим, фойдаси катта экан...» «Дори суркаб сув кечиш билан оёқ тузалармикан...»

Үй бекаси келиб аралашмагунча уларнинг суҳбати мана шу тарзда давом этаверади. Эшикдан аёл кишининг шарпаси чалиниши билан улар гапни бошқа ёққа буришади. Акс ҳолда...

Айниқса, ўтган гал жуда ёмон бўлган. Энаси одатдаги дийдиёсини хунук бир ҳолатда бошлаган, яъниким, хотин деб узоқ юртларда улоқиб юрибсан, деган. Тоға ёмон тўлғанган, поччаси ҳурмати ўзини босишга уринса-да, оғиздан у-бу сўзлар чиқиб кетган. «Олди-ортим тўла оға-иним бормидики, сени буйтиб юришингга бефарқ қарасам,— деган охири опаси кўзига ёш олиб.— Жигаримсан, қошимда юришингни истайманда. Ҳали бир кун уйингга оёғим етсин, ўша қилпиллама жодугарни бир адабини бермасам. Хотин деган эрнинг измида юриши лозим. Эр қаерда — хотин шу ерда. Сен эса унинг қош-қовоғига қараб яшайсан». «Қараганимни қачон кўрувдингиз»,— дейди тоға бир оз юмшаб. «Кўрганман».

Тоға сир бермасада, узуқ-юлуқ гап-сўзларга қаранганди, эр-хотин ўртасидан ола мушук ўтган. Шу боисими, тоға кейинги пайтларда аёлинни олиб келмайди. Бу

эса опасининг аламини баттар қўзгайди: «Ҳеч бўлмаса одамлардан уялсанг-чи, — дейди.— Қуруқ ўзинг сўппалиб келаверасанми? Бу туришда одамди шарманда қип ўлдирасан-ку».

Тоға индамайди, ички изтироби юзага қалқиб, юзи шиддатли бир тус олади. Бармоқларини мушт қилиб, тиззасига ургудек бир ҳаракатлар қиласди. Лекин ичидагини сиртига чиқармайди. Юрагини гоҳида Холбой раисга очади. Гоҳида дейишга сабаб шуки, уларнинг суҳбати ҳар доим ҳам силлиқ кўчавермайди. Айниқса, тоға мольбертсиз юрганидан бери Холбой раиснинг кесатиқлари кучайган, вақт-бевакт аёвсиз чақиб олади. Шу боис Саид Холбой раисни ёқтирмайди. Унинг ташрифидан юраги безиллаб туради. Лекин Холбой раис келаверади. Бунгача тоға шўрвага учинчи қайта балиқ ташлаган бўлади. Бола балиқ шўрвани жини севмайди, тоғасининг кўнгли учунгина totинган бўлади.

Холбой раис келганда тоға бўйнигача сувга кўмилиб ўтирган ё бута соясида қорин қашлаб ётган бўлади. Тоға уни илтифотсиз қаршилайди, аммо қувонганидан кўзлари чақнаб кетади. Борини дастурхонга тўкади. Холбой раис ҳам қуруқ келмайди. Бир зумга келдим дея, хийла ўтириб қолади. Аввалига ширингина суҳбат қуришади. Кейин баҳсу мунозарага киришишади.

Бундай кезларда бола тўқайзор оралайди ёхуд қумлоқда ҳоммопиш ўйнайди. Гоҳида типратикан топиб, унинг қўрқоқлигидан ҳайрону лол қолиб, бошида ўтиради. Ҳаммаси жонига теккач, тоғаси кўрсатган жойда чўмилади. Холбой раис кетмагунча уларнинг ёнига бормасликка ҳаракат қиласди.

Аммо мунозара узоққа чўзилмай, тоғасининг ғазабли хитоби эшитилади. «Кет, — дейди тоға, — оромимни бузиб, миямни тирнама, сафсатангни эшигтгани эмас, дам олгани келганман бу ерга, йўқол кўзимдан», — деб бақиради. Холбой раис кетади. Аммо эртаси яна келади. Чехрасида хокисор табассум, қўлида атагани. «Э, одам бўйай ўл сен, — дейди илжайиб. — Қеча жўрам қандай дам оляптикан, деб хабар олгани келсам, итдай қолиб бердинг-а. Сирканг сув кўтармайдиган бўп қопти ўзи». Одатдагидек, ортиқча мулозамотсиз осонгина ярашишади. Аммо бу тотувлик узоққа бормайди, орадан ярим соат ўтар-ўтмас яна тиллари қичииди. Бу сафар тоға андишасизларча унинг энг нозик жойини мўлжалга олади, оқибатда, ўртадаги пўлатдек мустаҳкам дўстлик риштаси чирт узилишига бир баҳя қолади, бир

веча толаларгина омон сақлаб қолади уни. Бу толалар Холбой раиснинг оққўнгиллиги эвазига бардошли келади. Тоға унинг бу фазилатини яхши билади. Билтани учун ҳам оғзига келганини қайтартмайди. «Алмисоқдан қолган фикрларинг, рости, жуда жонга тегди, — дейди ўйиб олуви оҳангда, — қараб туриб ўйлаб кетаман, лекин кўнгилга олиш йўқ, жўра, гап келганда отангни аяма деганлар. Демоқчиманки, аҳмоқона тимсолингда халқни кўраман, агар шу халқ нодон бўлмаганида, кефлиб-келиб сени раисликка сайлармиди. Уловига яраша тушови деб шуни айтсалар керак-да, а?» Холбой раиснинг хунук юзи багтар нурсизланади. Аммо меҳмон ҳурмати ўзини босади, унинг андишасизлигини мастиликка ўйяди, шундан кўнгли андак таскинланиб дейди: «Халқ-қа тил теккиза кўрма, жўра, осмондан оёғингни узатиб тушган бўлсанг ҳам, оғзингга қараб галир! Акс ҳолда!..»

Акс ҳолда нима бўлшини ҳеч ким билмайди. Лекин тоға вақтида тилини тияди, ҳазил, дейди мингирлаб. Кейин Холбой раиснинг боши узра номаълум бўшлиққа маъносиз тикиларкан, илжайишга ҳаракат қиласди, юзи андак ялтоқли тус олади. Ўзиям ўшандада жуда қизиқ бўлган экан-да, а, дейди хушомад оҳангиди. Холбой раис — гўл, бу гапни самимий деб билади, жилмайиб, нимаси қизиқ, айтарли ҳеч нима бўлмаган, дейди. Тоға уни багтар қутқилайди: йўқ, зўр воқеа бўлган.

Кейинги гурунг уни қандай қилиб раисликка сайлангани ҳақида боради.

Нафси замранин айтганда, ўша сайлов латифанамо бир тарзда кечганки, бу ҳақда одамлар ҳануз эслаб юришади.

Сайлов колхоз клубида одатдагидек расмий бир ўйсинда кечиб, райком котиби номзодини энди овозга қўяётган эди, эшик илкис очилиб, остановда Холбой раис (у пайтда агроном эди) пайдо бўлади. Малакасини оширгани бир ой бурун Тошкентта иетган эди, жомадони билан тўғри саҳнага чиқиб бориб, ёе йўқ-бе йўқ ўз номзодини тавсия этди-қўйди. Бу хил гапни кутмаган зал аввалига денгиздай бир чайқалиб олди, сўнг сокин тортиди. Барчанинг кўзи унда, нима жин чалди экан бу болани, дейди. Котибининг башараси буришиб, энди уни силтаб ташламоққа чоғланганида; ўроқ чој ўрнидан қўзғолди. Машинаси томони юрди: Рулга ўтичани, — деди у. — Қани айт-чи, раис бўи нима қаромат кўрсатмоқчисан?» Холбой аввал жавдираб залга тикилди, вазият қалтис. Одамлар енгилгина турткнга маҳ-

тагт — жиёл адаиса култига қолиши, уни масхаралаб саҳнадан тушурраб юборишлари мумкин. Шунда бирдан қадри келди: «Қадрли ҳамқишлоқлар! — деди ҳаяжондан титраб-қақшаб. — Мени раисликка сайлайсизларми-йўқми, бу сизларнинг ишининг. Лекин бир ҳақиқатни айтиб қўяй. Шунга қараб ўзингиз фикр қиласаверинг. Қани, айтингларчи, бирорнинг хўжалигига бирор ҳеч замонда жон куйдирганими? Минг қўяса ҳам бегона — бегона эмасми? Масалан, собиқ раисимиз қаердан эди? Айротмдан. Хўш, жонини койитдими? Койитмасди ҳам. Чунки у мувакқатлигини биларди. Билгани учун ҳам хўжаликка меҳр қўёлмади. Бегона фақат планни ўйлайди. План бажарилиб турса, катталардан ўзига гап тегмаса бас, бошқаси билан неча пуллик иши бор. Шуни билатуриб яна бегонани сайлаяпсизларми? Нега энди қўштутилик яккаторликка қайшиши керак экан? Умид қилмай қўя қолинг. Ўзимиздан сайламасангиз раисга ёлчиб бўпсиз!» «Гапларинг жўяли, — дея унинг галини бўлди чол. — Сен бача, гапни кўп опқочмай, шуни бизга айт, раис бўлиб нима каромат кўрсатмоқчисан? — У ҳайъатдагиларга ишора қилди. — Анови раис бўғич нимарсалар дегандай бўлди. Энди сенг гапир!» Холбой раис ҳар бир сўзини михлагандай қилиб, ўз режасини баён этди. Буни қарангки, қишида тизза бўйи лой, ёзда тупроқ кўчалар ҳам унинг назаридан четда қолмади. Муюлишда чойхона қуришу сўнгга бориб қишлоқни водопроводлаштириш тадбирлари ҳам йўқ эмас экан унинг режаларида. Айнан шу нарсалар халқнинг эътиборини тортди. Кўмита котибининг барча эътиrozлари ғалаговур ичиди кўмилиб кетди... Уни сўраб туриб олишди. У мана шунақа қилиб раис бўлиб қолган.

Гап тоға ҳақда кетаётувди. Холбой раис кетиши билан ўзиниям, гаплариниям унугади, гўё ўрталаридан ҳеч гап ўтмагандек, шўрвани ичib сувга тушади. Узоқ чўмилади. Совуқдан бадани кўкариб кетмагунча сувдан чиқмайди. Чимда ётиб, бадани бир оз қизигандан сўнг яна тушади. Бу ҳол намозгаргача давом этади. «Сув яхши нарса,— дейди паҳмоқ сочиқ билан артинаётib.— Аммо-лекин қорнимам пиёзнинг пўсти бўлиб кетди. Тавба, шунча еган-ичганинг қаерга кетди, а.

Уйда тоғани тўкин дастурхон кутади. Энаси меҳмон шарафига одатдагидек катта қозонда шўрва осган, патир ёпган, отаси муздек сувга бир талай шиша ташлаб қўйкан бўлади.

Жўралари йиғилгунга қадар тоға томорқа оралайди. Томорқа ўртасидаги пастак деворга етганда, бир зум тўхтайди. Кундузи бирров кириб чиқсан пешайвонли уйга кўнгли бузилиброқ қарайди. Ҳадик билан ҳовлидан бир шикаст излайди. Тополмайди. Ҳовли-жой аввал қандай бўлса, ҳозир ҳам шундай, гўё ота-онаси қаергадир чиқишигану ҳализамон қайтиб келишадигандай. Ҳовлидаги ҳар бир нарсадан сариштали одам — почасининг қўли сезилиб туради.

Секин изига қайрилади. Қўра эшигига уни Саид кутуб турган бўлади. Юринг бу ёқقا, дея қўлидан тортқилайди. Тоға кулимсираб унга эргашади. «Манови қўйингиз бу йил иккита тувди,— дейди бола узун охурдан ем еяётган қўйлардан бирига ишора қилиб.— Мановисининг боласи ўлиб қолди. Анови қўчкорди танияпсизми? Йўқ, буниси. Қора қўйдинг боласи. Э, ёнига борманг, сузади. Жаҳли чиқса бўқадан ҳам таи тортмайди. Нариги бурчакдагилариям сиздики. Қашқаси биздики. Мана бунисиям. Униси эса сиздики. Юринг, энди танангизни кўрсатаман.» Болага қизиқсиниб тикилиб турган тоға ундан нигоҳини узиб, кўра ичига анчайнин назар ташлайди-да, етар, дейди, маладес, ҳаммасини сенга бердим, яхшилаб парвариш қилсанг, бир кунингга ярайди, бўшаштирма. Саид елка қисади: «Нима қиласман буларни мен?» Тоға кулиб шу оҳангла жавоб беради: «Мен нима қиласман?» Бунисини бола ҳам билмасди. «Билмадим, отам шундай деган,— дейди шавқи пасайиб. Кейин қўшиб қўяди.— Бариси тоғангники, бир тукигаям зиён етмасин, дейди доим. Манов қўчкорингизни Саттор почтачи сўровди, бермади. Эгаси бор, меники мас, деди.» «Отанг тилла одам.— Тоға девор оша супада ҳафсала билан газак тайёрлаётган поччаси томон қарайди.— Давримизнинг ноёб нусхаларидан. Кундузи чироқ ёқиб ҳам тополмайсан бунақасини. Аммо сен кўпам отангга ўхшайверма. Оёқости бўлиб кетишинг мумкин. Ҳозир одамлар айниганд. Биз айниганд давр фарзандларимиз...» Бундай пайтда тоғанинг қомати алланечук чўкинқираб қолади. Қўзлари тўла ғусса, ҳар бир сўзидан алам томади. Бола унинг бу ҳолатини англаб етолмайди. Анграйганча оғзини очиб тураверади. «Сен — қудуқ бўлдинг, мен — чўпон...— дейди охири тоға синиқ кулимсираб.— Шунақа бир эртак бор, эшиганимисан? Эшигмагансан. Чатоқ. Эргак китобларни ўқиб туриш керак. Эртак яхши нарса — зада дилни овугади, кўнгилда умид туғдиради. Чунки унда яхши-

лик ҳамиша ғолиб келади-да. Қани әнди, ҳаётдаям шундай бўлса... Кўп анқайма, оғзингга чивин кириб кетади».

Улар ҳовлига чиқдилар.

«Почча, газак тайёрлашингизни кўрган одамнинг иккиси келади-я. Аммо жуда серҳафсала одамсиз-да, таърифу тавсифга сўз йўқ.»

Изма-из келаётган бола унга чўчинқираб қарайди. Йўқ, тоғанинг маъюс кайфиятидан асар ҳам қолмаган, одатдагидек, хушнуд ва хушҳол эди. Бундан у енгил тортиб, челяк томонга ошиқади. Дуч келган шишани қўлига олиб, тоғасига узатади. Тоға отасини мақтайдай-мақтайдай пиёлага ароқ қўяди. Аммо отаси мақтовга лоқайд, жуда зўр келса, хижолатомуз илжайиб қўя қолади...

Хозир тоғанинг кўнглига ҳеч нарса сиғмас — борйўғини бой берган одамдек шалвираб ўтиарди.

— Оббо, нодон-эй! — деди у ердан кўз узиб. — Шунча нарса... — Тоға ўтирган ерида оғир гувранди. — Шундай имкониятни қўлдан чиқариб ўтирибсан-а! Одам деган бунчалик лапашанг бўлмайди-да, Сайдвой!

— Билмадим-да, — Сайд қулт ютуниб қўлидаги суратни ортига яширди. Кейин супа четига суюб қўйди.

— Билиш керак, жиян! Бу дунёда кўп нарсани билиш керак!

Ошхонадан чиққан эна яна галга аралашмоқчи эди, тоға ҳушламади. Сўнг сигарет қолдигини четга чертиб, ўрнидан қўзғолди. Машинаси томон юрди. Рулга ўтираётисиб, кетдик дея имлади. Сўнгра қўшиб қўйди: «Ҳеч бўлмаса, топган жойингни кўриб қўяйлик. Ўртоқларга ҳикоя қилиб юраман. Балким... айтиб бўладими... Юрақол, ношудгинам».

Улар қўҳна қишлоққа боришли. Тоғаси чўп билан кесаклар орасини ҳафсаласиз титкилай туриб, тасодифан битта танга топиб олди. Шундан кейин турқи-таровати бирдан ўзгариб, алланечук қалтираганча тупроқни икки қўллаб кавлаштиришга тушди. Пўрим энгил-боши чангга беланганига эътибор бермасди. Аммо минг қидирмасин, сопол бўлакларидан бошқа ҳеч вақо тополмади. У қўшни деворларни йиқитишдан ҳам эринмади...

Шомга яқин қишлоққа қайтишиди.

Дарвозада уларни ота қаршилади. Тоға у билан руҳсизгина кўришди. Машина эшигини зарб билан ёпди. Сўнг супа четига чўкаётисиб, челякдаги шишалардан бирини қўлига олди.

— Жиянни қилиғидаң ич куйиб кетяпти-ку, — деди

Үтирган жойида дастурхондаги ишёлага қўл чўзид.—  
Эслатаним сайн ичим туз сепгацдай ачишияти.

— Эшитдим, Нусратвой,— деди ота бепарво.— Эга-  
сига буюрмаган нарса сизга буюрармиди. Қўйинг, кў-  
нам ич-этингизни еяверманг. Қўйлакни алмаштиринг,  
расво қинеиз.

— Бизга буюрарди, почча!— Тоға виёлани оғзига  
олиб бораркан, оғир уҳ тортди.— Ҳеч бўлмаса бир ко-  
римиизга ярарди. Эсиз...

Шу дам эшикда одамлар кўриниб, уларнинг сұҳбати  
бўлинди.

\* \* \*

Сайд томорқадан бузогига ўт уриб қайтганда, давра  
жамулжам эди. Кафтидаги тангани ёруқда солиб кўра-  
ётган Жовли чапани уни кўриши билан семиз сонига  
мушт туширди.

— Ай-а, лапашанг! Ай-й, нодон! Тилладан-ку қуруқ  
қопсан, ҳеч бўлмаса мосинди номерини эслаб қолмай-  
санми, а! Қим айтади сени ўғил бола деб! Қани, бери  
кел. Бир бошдан ганириб бер-чи.

— Нимасини гапирай,— деди Сайд тайсаллаброқ су-  
пага яқинлашди.

— Кўрсанг танийсанми?— дея сўради Жовли чапа-  
ни.— Қанақа одам эди ўзи?

— Сизга ўҳшаброқ кетади,— деди бола юраги сиқи-  
либ.— Фақат... соқоли бор...

— Айритомлик Собир соқол эмасмикин, а?

— Бе-е, Собирда машина нима қилади.

— Унда ким бўлиши мумкин?

Утирганлар таниш-билишларини эслаб, хийла тор-  
тишдилар. Бу орада танга қўлдан қўлга ўтиб, тоғасига  
етди.

— Уртоғидан сўрадингларми?— деди кимдир.—  
Балки у билар?

— Сўрадик,— деди тоға кафтидаги танга юзини бар-  
моғи билан сийпалаб.— У ҳам ҳеч балони билмайди.

— Улай агар, ҳасаддан куйиб ўламан,— деди Жов-  
ли чапани ўтирган ерида ажабтовур чайқалиб.— Бай-  
бай, бутун бошли ҳазина-я! Ҳай, боласи тушмагур-а!  
Ўзимди болам бўлганингдами, чин сўзим, бутингдан ту-  
тиб ерди кўзига ёпардим. Эсиз-эсиз, пулга чақсанг бир  
дувё нарса... Етти пуштинг ётиб еса адо бўлмасди-я...

- Ҳукумат едириб қўярди сенга, дарагини эшитиши билан.. қоқиб олар.
- Билиб ўтирибдими.
- Үроқ чолдан қоқиб олди-ку.
- Гўллик қилган у.
- Гўллик қилмаган. Холёр ўғри бориб чақдан дейишиди. Чолга азалдан хусумати бор эди.
- Холёр ўғри асли бўлмайдиган одам.
- Агар қарши бўлмасаларинг, менда бир таклиф бор,— деди Жовли чапани ярим чин, ярим ҳазил оҳангда.— Эртак қўлимизга биттадаъ бел тутиб, кўхна қишлоқди бир бошдан титкилаб чиқсан-чи, а?
- Ола-а!
- Улдими, изласак, бирор нима учраб қолар ахир. Балки Самандарбойди кўммасини топармиз.
- Болалар тоғани Самандарбойдики шекилли?
- Қайдам, Самандарбойдики катта хум бўлган.— Жовли чапани қулочини кеңг ёэди.— Мана бундай.
- Кўргандай гапирасан-а.
- Эшитганимни айтяпман.
- Сизларга бир сир айтайми,— деди Салим дегани бетоқат типирчилаб.— Шу, кўхна мачитти ёнда бир нима бор, ўтсам ҳам, қайтсам ҳам юрагим ёмон дукурлади. Айтишади-ку тилла бор жойда.. Мачитга кетмон кўтаришга одам боласининг ҳадди сифмайди, дея Самандарбой тилласини ўша ерга кўмгам чиқар.
- Мачит эмиш, ундан зўрларини яксон қип юборишиди-ку.
- Мен илгарининг гапини айтяпман. Илгари одамлар мачитга ҳад қилишолмаган.. Нима, Эркиннинг экскаваторида ярим соатлик иш. Бир уриниб кўрмаймизми, а?
- Чоллар нақ пешонангдан отишади.
- Тушунтирамиз.
- Тағин Дониёр мулла ҳассаси билан уриб каллангни пўла қип қўймасин.
- Дониёр мулланг чепуха. Бир сўм кўрсатсанг, ўқиб турган намозини ташлаб чонадиган бир одам-да.
- Чоллар чатоқ, қўйишмайди барибир.
- Ҳукумат номидан қўрқитсан-чи, а? Лекин юрагим аниқ сезялти, ўша ерда бир гап бор.
- Э, сомирдама<sup>1</sup> кўп,— дея гапини бўлди Жовли чапани.— Ҳеч бало йўқ у ерда. Юраги дукур-дукур қилар.

<sup>1</sup> Сомирдама — валдирама (шева).

миш. Сенда юрак нима қиласи. Асли юрагинг яримта, сенинг.— У изза бўлган йигитга бошдан-оёқ назар ташлаб қўйиб, даврага юзланди.— Энди сизларга бир воқеани айтай. Гурунг-да буям. Манови юрагим дукурлайди деб, эсимга туширди. Лекин бўган воқеа. Грамм ёлғони йўқ. Шундай қилиб, тунов куни аммам ҳовли-қиб кеп қолди. Жовлижон болам, дейди, айвонда бир нима бор, ўтсам-қайтсам юрагим дук-дук қиласи. Борсам, гапи рост... Шартта эшик-иликка қулф уриб, бисмилло дея қўлимга кетмонни олдим. Аввалига поччани ўхшатиб сўкдим, укағар, ўларкансан, хазна кўмган жойингни айтиб ўлмайсанми! Шуйтиб денг, гурса-гурса кетмон ураман. Аммамнинг кўзи эшикда, бирор кеп қомасин деб жони ҳалак. Қараб туриб ҳайрон қоламан, атворидан нарги томоннинг ҳиди келиб қолган кампирга давлат чикора? Одамзод қизиқ-да, кўзи тўймайди. Хуллас, қазияпман. Тиқ этган товушдан дарак йўқ. Лекин оёғим остида бир нима бутун танимга титроқ беряпти. Шу ўртада бир оз нафас ростладим. Кампир тушмагур нуқул шоширади. Жовлижон болам, бўлақол, ярми сеники, дейди. Йўқ, дейман ҳазиллашиб, ҳазил кўнгилга сиққанини қара, ҳаммаси меники дейман. Бунга сари кампирда эси оғай дейди. Пичирлаб худодан менга инсоф тилайди. Мол-дунё ёмон экан, одамнинг ранги аллатовур бўлиб кетаркан... Шуйтиб, то кампир пичир-пичирини тугатгунча ярим қулочча ерни қазиб қўйдим. Тупроқни пайпаслаб кўриб, белни энди тиккалайига солай деганимда, худо мени бир асраб қолди. Қайтиб пайқадим, ҳалиям ақлим бовар қилмайди. Шуйтиб денг, белни тиккалай солаётсиб, бундай қарасам, яшил бир нарса чўзилиб ётибди. Тутиб кўрсам, электр сими. Почча молхонага симни ердан олиб ўтган экан. Нам тегиб... Худо раҳматли сал бодироқ эди, ўзи-ча бир қилиқ қилган экан-да...

Даврада енгил кулги кўтарилди.

— Жовли,— деди кимдир.— Айт-чи, ростданам тилла топиб олсанг, нима қилардинг?

— Топганимдами?.. Айтсам, ичларинг куяди-да,— Жовли чапани, кўзлари алланечук йилтиллаб, ўзоқ бошида куйманаётган аёллар томон қув назар солиб шипшиди.— Хотинди кўпайтирардим...

Яна кулги кўтарилди.

Шу дам эшикда Тўлаган овчи кўринди. Унга кўзи тушиши билан Сайд ўзида йўқ қувониб кетди. Нимага десағиз Тўлаган овчи гурунгвоз одам, латифаларини

эшитиб тўймайсан. Аслида ҳам давраларга шунинг учун чақиришади.

Бола жойлашиброқ ўтиаркан, ҳовли ўртасида бамайлихотир келаётган Тўлаган овчига илҳақлик билан тикилади. Мана энди ортиқча гап-сўзларга ўрин қолмайди. Тўлаган овчи бирпаста ҳаммани оғзига қаратиб олади. Аммо ҳали унгача... Аввалига у ёппасига салом беради-да, одатдагидек, пойгакка чўкади. Фотиҳага кўтарилган қўллари иягини сийпар-сийпамас, ароқ тўла пиёлани тутқазишади. Тўлаган овчи маҳтал қилишни ёмон кўради, қистов кутмай пиёлани бўшатади. Шундан сўнг кимдир тахминан бундай дейди: «Тўлаган ака, сиртлон бўри воқеасини бир гапириб беринг». Тўлаган овчи ўз қадрини яхши билади, эшитмаган бўлиб, косадаги қатиққа нон ботиради, лагандаги гўштга қўл чўзади. Ўтирганлар илҳақ бўлган сайин луқмаси ширин туйилиб, ютишга ошиқмайди. Охири кимдир томоқ қиради: чўзмасанг-чи. Уни бошқа бирор қувватлайди. Тўлаган овчи ҳушёр тортади, негаки, буёғи хатарли, ноз қилмасангиз-чи, деб жеркиб беришлари мумкин. Кейин гурунгдан маза қолмайди... У оғзидагини чала-чулпа ютиб, и-и, нимасиням айтай, худо энди бир асрди-да, дея аста ҳикоясини бошлайди. Кўпчилик воқеани иккинчи бор эшитишига қарамай, жон қулоғи билан тинглайди. Нега десангиз, Тўлаган овчи гапни дўндиради. У бор жойда телевизор ўчирилади, ҳатто Тоҳир ашулачининг хонишлари ҳам кўпда қулоққа ёқавермайди...

Тўлаган овчи тоға билан кўришиб-сўрашиб, косагул йигитнинг қаватига чўкди. Узатилган пиёлани қўлига оларкан, бошқаларга-чи, деган маънода ияк қоққанди, косагул, штрафной, дея гапни калта қилди-да, тинмай чакак ураётган Жовли чапани томон ўгирилиб олди. Тўлаган овчи бу хил муомалага кўникмаган, оғриниб-гина пиёлани бўшатди-да, лаганга қўл чўзди. Чала пишган чандирни узоқ чайнади, чайнагани сари ҳайрати орта борди. Қизиқ, бирор кимса эътибор берай демайди, ҳикоя эшитиш умидида кўзлари чақнаб ўтирган болани демаса, ҳамма уни унугтан. Фаши келиб, чойни хўриллатиб ичдиямки, бирор қайрилиб қарамади. Шунда у беихтиёр гурунгга қулоқ тутди. Гап аллақандай хазинаю тилла тангалар ҳақида борарди. Аёлининг гапи эсига тушди, фалончиларнинг болалари фалон ердан тилла топишган экан, бегона бир одам қўлларидан қоқиб олибди.

...Тўлаган овчининг секин этак қоқиб туриб кетганини боладан бўлак кимса сезмади.

Кейин Ҳолбой раис келди.

Алламаҳалда ҳамма ўриидан қўзғолгач, Жовли чапани тоғани бир четга тортди.

— Боя айтсам бўлмасди... — деди. — Энди эшит. Тиллани ўмариб кетган анови нусхани тусмоллагандайман. Ўё учканалик Карим чиллашир, ё бўлмаса, айритомлик Мамаражаб боди. Агар иккисидан бири бўлиб чиқмаса, калламни шартта кесиб ташлайман!

— Боя нега айтмадинг шуни?! — деди тоға ҳовли-киб.

— Ҳамманинг олдида-я? Калланг ишлайдими ўзи сени!

— Тутақма, — тоға унинг елкасидан тутди. — Кетдик. Эртага қолдириб бўлмайди бу ишни. Лекин... бўйнига олармикан, номард?

— Ташвиш қилма. Сопини ўзидан чиқарамиз. Тегишли жойга хабар берамиз десак, қўрқанидан ҳам... Бермай ҳам кўрсии-чи! Учдан икки қисми бизники. Биз инсофли одамлармиз, шундайми?

— Шундай-шундай.

— Бор, анави лапашанг жиянингни олиб чиқ.

Тоға болани ётган жойидан уйғотиб чиқди. Улар ортиқча шовурсиз Учканага йўл тортдилар.

Карим чиллаширнинг ҳовлиси қишлоққа кираверишда, ўнг қўлда экан, дарвозанинг бемаҳалда тақиллашидан қўрқибми, шўрлик ҳовлиқиб чиқди.

Жовли чапани сўраша туриб, лабига сигарет қистириши билан тоға боланинг биқинига секин туртди.

— Мудрамай, яхшилаб қара, шуми?

— Йўқ, — Сайд чирт ёқилган гугурт ёруғида бутуний нотаниш одамни кўрди.

— Тоға келишувга биноан қисқа сигнал берди. Жовли чапани йўлига сўраган машина қисмини топиб беролмаганидан хижолат тортиб турган мезбон шундагина машинада одам борлигини пайқади. Келиб сўрашди. Ичкарига таклиф этди. Улар кўнмагач, ўша нарсани эртаси кимдандир сўраб кўришини айтди:

Айритомгача беш-олти чақирим, бунинг устига, йўл нобоп эди. Сайд пинакка кетди. Олтин ваевасасига йўлиқдан катталарнинг аламли хитоблари, қўпол сўкинишлари қуловига кирмас, шу тобда уйқудан ўзгасини истамасди.

Машинанинг қаттиқ силкинишидан ўзига келганида, улар Айритомга етишганди. Бу ерда сигарет тутагишига ҳожат қолмади. Мамаражаб бодининг эшиги тепасида каттакон электр чироқ қўчага сутдек ёғду сочиб турарди.

— Йўқ, бу эмас,— деди бола соқолли амаки дарвозда пайдо бўлиши ҳамон.

Тоға қутуриб, рул чамбаратига мушт туширди. Бола ҷўчиб, машина «дод»лаб юборди.

\* \* \*

Эртаси чошгоҳга яқин тўқайзорга келишди. Машинани жар тепасидаги қайрагоч тагида қолдиришиб, сўқмоқдан пастга энишди. Буталар оралаб, дарё бўйига чиқдилар.

Чим устига кимdir эшагини тезаклатиб кетган экан, тоға уни тепиб сувга туширди.

— Шундай жойни расво қилишибди-я,— деди тўн-филлаб, қўлидаги оғир сумкани ерга қўяркан.

— Сайд қўлтиғидаги тўшакни ерга тўшади. Қумғони сувга тўлдириб, тошӯчоққа ўрнаштириди.

— Чой қочмас,— деди тоға,— олдин битта чалоб қил.

Бола оғир сумкани тўшак томон сургаб келди-да, ундаги нарсаларни бирин-сирин дастурхонга тера бошлиди. Сумка тубидаги шишаларга қўл тегизмади. Катта сирли товоқдаги чаккидан озгина олиб сув бўйига борди. Тоғаси билан бу хил «дам олиш»ларга чиқавериб, чалоб тайёрлашнинг обдон ҳадисини олган эмасми, салда косани тўлдириб келди.

Бу орада тоға ечинган, қўлларини боши остига қўйганича кўкка термулиб ётарди. Кечаги воқеа таъсириданми, негадир машқи паст, салга зардаси қайнарди. У косани яримлатиб, қолганини болага узатди.

— Ич-да, нарсаларни сумкага жойлаб, сояга суриб қўй. Атторчининг молидай... жа-а ёйиб ташлабсан.

Бу орада жар устида одам қораси кўринди. Елкасида кетмон, кафтини пешонасига қўйганча улар томон тикилиб турарди.

— Тўлаган тоға!— деди бола шодланиб.

— Ҷақир,— деди тоға сал жонланиб.— Бир ҳангомалашайлик.

Сайд қўлларини оғзига карнай қилиб, овоз берди. Тўлаган овчи тимирскиланиб сўқмоқ томон юрди.

Кўп ўтмай қуруқ шох-шаббаларни шатур-шутур босиб, энгашган кўйи буталар орасидан чиқиб келди.

— Эҳ-ҳи, ётишлар зўр-ку,— деди у салом-аликдан сўнг, кетмонни бир четга қўйиб.

— Келинг,— тоға чордона қуриб ўтириди.— Қани, ечининг. Чўмиламиз.

— Ие, шусиз ҳам кунбўйин сувдамиз-ку...

Тоға унинг тердан оқарган кўйлагига кулимсираб қаради.

— Кўриниб турибди...

— Беш гектарга сув тараф журиб эдим,— Тўлаган овчи тўшак четига омонатгина чўкди.— Қарасам жарди бўйида бир мошин турибди. Холбойдики десам, туси бошқача...

— Нима, фермадан кетганмисиз?— дея унинг гапини бўлди тоға.

— Ҳа, ҳозир пахтадамиз,— Тўлаган овчи қўлига бе-жирим сигарет қутисини олди. Кўзларини қисиб мароқ билан томоша қилди. Кейин қизиқсениб бирини лабига қистирди.— Эшқўзи ферма билан созимиз чиқмай қолди. Ўзинг биласан, вақт-бевақт овга чиқиб турман. Эганг ўлгирни кайфи ёмон, бир тутса, ҳеч нима кўзга кўринмайди. Шу феълимиз маъқул келмабди унга. Бир гапириб қўймайди, икки гапириб қўймайди, худди... Машир кампирнинг хомгўжасига ўхшаб пирқиллагани-пирқиллаган. Бир куни жаҳлим чиқиб турган эди, и-и, энангди, деб соп қолдим жағига. Уккағарди боласида жасад бўғанминан жон йўғакан, тўнтарилиб тушди. Ўхшатиб бир-икки тепдим сўғин... Шундан бери пахтадамиз. Пахта ёмонмас, қиши-қировли кунлари иш камчил, қочиб-пisisib... ишқилиб, овга вақт топилади.

— Бўридан нечта бўлди бу йил?

— Иккита,— Тўлаган овчи ён-верини пайпаслаб гугурт қидирди. Унинг оғзига маҳлиё термулиб ўтирган Саид югуриб бориб ўзоқ бошидан гугурт олиб келди. У сигарет тутатди.— Жарариқда зўрини йиқитдим лекин...

— Шунга энди... қанча тўлашади?

— Нима «қанча?»

— Пулни айтаман,— Тоға бармоқларини бир-бирига ишқалади.

— И-и, пули гўр бўлармиди.— Тўлаган овчи сигаретни ёқтирмай, четга итқитди-да, чўнтағидан папирос олди. Ўзингдан озгини қўшмасанг, берган пулига битта тирриқ эчкиям кемайди. Заготконтурдагилар ёмо-он

имонини ютишган, бешдан бирини бернб, кўзларини лўқ қилиб тураверишади. Талашсанг-тортишсанг, сағал қишишишади, йўғасам, шу уч-тўрт тангасиниям бергиси кемайди. Шунинг учун мен уларга бўрини топширмайман.

— Нима қиласиз унда?

— Нима қилардим.— Тўлаган овчи дастурхондаги нарсаларга ўғринча қараб қўйди.— Аввал бошда, жондор келди, деб қишлоқни бир айланиб чиқаман. Бирор тирноғидан олади, бирор тишидан, жунидан ҳам юлқишади. Бирпасда талаш бўп кетади. Одамларнинг ирим қип бергани етади менга. Жаариқда йиқитган бўримга беш юзлар тушди. Териснни Абду чўтирга пулладим. Аммо-лекин зўр жондор эди. Қелбатидан одамнинг имони қирқ газ учарди. Ҳали бунақаси учрамаган. Шу бирда...

— Биттасига беш юз тушса, меҳнатингиз ерда қолмаскан. Тер тўкишга арзиди.

Бола тоғасига норози боқди. Бунча бесабр бу одам. Тўлаган aka энди ҳикоясини бошлай деганда, яна гапини бўлиб ўтирибди-я.

Ҳақиқатан ҳам Тўлаган овчи гапини бўлишларини ёқтирумайди, чалғийди. Ҳозир ҳам бўри воқеаси қолиб, бутунлай бошқа мавзуга ўтиб кетди:

— Мен сенга айтсам, Нусратвой иним, ов билан рўзгор тебратиб бўмайди. Ҳавас — бу. Кейин бошқаларни билмадим-у, лекин мен кўринган, дуч келган жондорни отавермайман. Жўртоқи овчилардан худо асрасин. Энағарлар, кўзига чалинган қорани отишади. Шунингчун, аввало овчиди инсоф бўлиши керак, инсофи йўғи ўнгсўлига қарамайди, эрта-индинни ўйламайди... Овда тартиб бўмаса қийин. Масалан, мен бирор жондорни кўз остиинга олсам, аввал-бошда феъли-ҳуйини ўрганаман. Агар топганига қаноат қип юрган бўса, индамайман. Қўявер, ўзидан кўпаяверсиз дейман. Мабодо босар-тусарини билмай, учраган жонлиқقا ҳамла қилаберса, отмай қўймайман. Шу бир куни десанг...

— Қани, юзта-юзта отамизми?— тоға унинг гурунгини ёқтирумай, сувга ташлаб қўйилган шишалардан бирини қўлига олди.

— Шу иссиқда-я?

— Нима бўлти. Сувга бир калла ташласангиз, ҳеч нима кўрмагандай бўлиб кетасиз. Буни қаранг, гап билан бўлиб, қармоқни эсдан чиқарибмизку.

Тоға қармоқни созлаб сувга ташлади-да, шишани

очди. Кичкина, бежирим пиёлала ароқ қўйиб, Тўлаган овчига узатди.

— Қани, хопла деб отиб юборинг.

— Эганг ўлгирди иссиқда кетиши қийин-да, кишини лоҳас қиласди,— Тўлаган овчи пиёлани бўшатиб, папирос тутатди.

— Энди ечининг!— деди тоға буйруқомуз.— Кўзимга алламбалодай кўриняпсиз. Сув бўйида туриб... чўмил-маслик... давай, бўлинг!

Калласи қизидими ё ростданам чўмилгиси келдими, Тўлаган овчи ортиқ таранг қилиб турмай, кўйлак-шимини ечди, ёлғиз оқ сурп иштонда қолди.

— Ия, иштон билан чўмиласизми?

— Нима, буниям ечайми?— ҳайратланди Тўлаган овчи.— Иштонсиз... қандай бўларкин? Бўмайди, одам уялади-ей.

Тоға хохолаб кулди. Қорнини чангллаб, ётволиб кулди. Тўлаган овчи, ҳай, шайтон, дея эҳтиёткорлик билан сувга тушди. Беўхшов қўл силтаб сувган бўлди. Тоға кулгисини базўр босиб, ўзига ароқ қўйди. Катта-кон картошкани иккига бўлиб, бир бўлагини оғзига тиқди. Лунижи тўла овқат, чойни тезлат, деган маънода ўчқ томон ишора қилди.

Сайд қумғон тагига ўт ёқиб келганида, Тўлаган овчи сувдан чиққи, тоғанинг таъбири билан айтганда, яна юзта отиб, кавшаниб ўтиради.

— Сен нимага чўмилмайсан?— деди у болага қараб.— Чўмил. Эртан подада бу сувни соғиниб юрасан.

Подани эшииб, боланинг ичи музлаб кетди, кўзи хира тортиди. Оғзига олиб борган помидорни дастурхон четига қўйиб, чуқур хўрсинди. Дунёда энг ёмон кўргани шу пода. Ойда бир айланиб келадиган пода навбати кўнгланинг бир четини доимо ғашлаб туради. Илгарилари бир нави эди, бобоси билан чиқарди подага. Бобоси гурунгвоз одам, Тўлаган овчини гапга солишни яхши кўрарди. Ҳангомалашиб кунни қандай ўтганини сезмай қолишарди... Тўлаган овчи энди гурунг бермайди, кап-катта одам болалар билан пачакилашиб ўтирамиди. Қирга ёки Қоровултепага чиқиб олиб, белбогини бошига ташлаб кечгача уйқуни уради. Шундай бўлса-да, ундан нолиб бўлмайди. Чунки қишлоқда фаяқтагина подани ҳалол боқади. Кўпчилик эса, подани бирор камарга қамайди — кун ўтса бўлди, қолгани билан иши йўқ. Тўлаган овчини экин-тикин маҳаллари ҳам ҳеч бир куч тўхтатиб қололмайди. Олим чиноқ билан

сўкиша-сўкиша, янада аниқроғи, айтиша-айтиша, экин майдони ўртасидаги тор йўлакдан подани бир амаллаб лалмиға ўтказади-да, қир бетига қўйиб юборади. Саидни бу бошда, ўғлини у бошда қолдириб, ўзи қирга чиқади. Аҳён-аҳёнда тепадан туриб овоз беради: «фалончи ҳо-ов, эчкilar экинга тушяпти, қайтар! Нима, бу ерга ўйнагани кеганмисан?! Тез-тез қимирла!» Бола ёлғиз қолгач зерикади. Назарида, офтоб бир жойда михланиб қолгандай туюлади.

Саид ҳозир шуларни хаёлидан ўтказаркан, қармоқ қимирлаганини пайқамай қолди. Бўйнигача сувга кўмилган тоға, торт-торт деб бақиргандан сўнггина ҳуши ўзига келиб, қоқила-суқила қармоқ сари отилди. Силтаб тортди. Силтов баробарида балиқнинг залворли кучини ҳис этди. Соп эгилиб синай деди. Бир ярим қарич чамаси каттакон балиқ ҳаводаёқ қармоқдан чиқиб, чим устига тапиллаб тушди-да, биланглай бошлади. Саид қармоқни четга улоқтириб, балиққа ташланди. Аммо балиқ қўлидан сирғалиб сувга тушиб кетди.

— Эҳ, ландавур! — сувдан чиқиб келган тоға ургудек бир важоҳатда унинг бошида тўхтади.— Шундай балиқни қўлдан чиқардинг-а! Намунча бўшангсан-а! Туф-эй, эшшак!

— Уришма болани.— Тўлаган овчи нон чайнаб туриб, пиёлага ароқ қўйиб узатди.— Ма, мановини ичиб ол. Кўкариб кетибсан.

— Уришмай бўладими! — тоға баттар тутақди.— Ахир одам деган бунчалик лапашанг бўлмайди-да! Билмадим, кимга тортган бу! Ношуд! Ландовур! Шундай балиқ... Бунақаси ҳали ўзимгаям учрамаган. Сосанг айлантириб! Латта! Қечаги қилиғидан-ку... — у кўксинга муштлади,— мана бу ерим ҳалиям куйишади! Бугун тағин... э, анқаймай ўл!

— Етар энди! Бирорди олдида болани буйтиб уришмайдилар, шахти синади.— Тўлаган овчи қўлидаги пиёлани, ичмасанг ичма, деган зардали бир ҳаракат билан дастурхон четига қўяркан, кейин бирдан тоғанинг балиқ баҳона кеча юрагида тўнғиб қолган аламини тўкаётганини фаҳмлаб, насиҳатомуз деди:— Кўпам юрак-бовринг куявермасин, эгасига буюрмаган нарса-да. Агар жудаям тилласираб қолган бўсанг, Самандарбойнинг кўммасини излаб топ-да, билганингни қиласер, лекин бола бечорани буйтиб қийнама. Зўр бола бу. Одамди расмини ўхшатиб чизади. Сен эса нуқул турткилайсан.

Бир кун кеп сендейин катта йигит бўп кетса, сўнг ўзинг уялиб юрасан.

— Топилганини эплаёлмаган, қолганини гўр қилас-  
мидик.— Тоға тўнғиллаб ерга чўкди. Кейин Тўлаган ов-  
чига синчков назар ташлаб деди:— Тўғрисини айтсан,  
Самардарбойдан тилла қолганига кўпам ишонмайман.  
Бобой «ҳикоят» дегувчи эди. Яна ким билади, балки  
ҳақиқатдир. Кўҳна қишлоқнинг қайси бир бурчидা  
ачиб-бижғиб ётгандир.

— Чинликка чин,— деди Тўлаган овчи жиддий.—  
Олим чиноқдинг ўз оғзидан эшигнаман. Иковимиз  
жуда қалин, сирдош... чол мендан ҳеч нимани бекит-  
майди.

— Унда, ҳойнаҳой, қаерга кўмилганини ҳам билар-  
сиз?— деди кинояномуз оҳангда тоға.

— Қизиқ гапни гапирдинг-ку, сен,— Тўлаган овчи  
кулди.— Билсам, қўярмидим. Ё менда нафс йўқ деб ўй-  
лайсанми? Нафс ҳаммада бор, сўфи эмасмиз... Лекин  
шу... мен бир нарсани аниқ биламан, ҳазна кўҳна қишлоққа  
кўмилмаган. Ё қирга кўмилган, ё ўрга. Бир гу-  
рунгда чиноқ бовоям шундай дегандай бўливиди. Укка-  
ғарди чолини сирдош-пирдош дейман-у, лекин жойи  
кеса мендан ҳам кўп нарсани яширади. Фаҳмлаб юра-  
ман.

— Нега энди кўҳна қишлоққа эмас, деб ўйлайсиз?

— Нимага десанг, кўҳна қишлоқ кафтдек ер, ғайрат  
қилган одам бирда бўмаса, бирда албатта топади. Фа-  
росатли одам бўган дейишади Самандарбойди, бунга  
ақли етган чиқар. Иннайкейин, қирдинг йўриғи бўлак —  
кенг жой, кенг майдон, ўнқири кўп, экин-тикиндан ҳо-  
ли... бирор соз жойди топгану... Бечора, замон ўзгарар,  
Сибирдан қайтарман, деб ўйлаганда, ўлишини билма-  
ган-да. Сибирга етмаган, қозоқ даштидан чиқаберишда  
ўрусларнинг бир шаҳри боракан, отини бир нимаям де-  
ишиувди, шунга етиб-етмай ўлган.

— Бола-чақа-чи?

— Бола-чақа бўмаган бойда... Шуйтиб десанг, Нус-  
ратвой иним, бир хум тилла қирдинг аллақайси бир  
бурчиде ётиби... Овга чиққан кезларим учраб-пучраб  
қоларми деб, ўрга-жарга қараб юраман. Учрамайди са-  
бил. Лекин кўнглим сезади, ҳазна қирда.

Шу чоқ буталар орасида Холбой раис пайдо бўлди.  
Уни кўриб боланинг афти тиришди, ичиде ўхшатиб сўк-  
ди. Лекин у ҳақда катталарга ҳеч нарса демади, қў-

лига тушган чўпни синдирганча, қаншари остидан ёмон тикилиб ўтираверди.

Катталар гап билан бўлиб, уни пайқашмади. Тоғанинг кўзи суҳбатдошида, фикри-ёди эса қирда — ўзи билган, кўрган ўнқир-чўнқирларни хаёлан бир-бир кезиб чиқмоқда эди. Қаерда бўлиши мумкин? Лекин Олим чиноқ ўлгудек галварс экан, шарпасини сездими, хиппа томоғидан олмайдими, топмаганига қўймайдими! Ўрнида мен бўлганимда... Буни қарангки, бир пайтлар қирга чиқиб суратлар ишлаган экан-у, оғи остида олам жаҳон хазина яшириниб ётганини хаёлига ҳам келтирмабди.

Тоға шу хаёл билан қир томонга ўгириларкан, соя кетиб машинаси офтобда қолганини кўрди. Туришга эринди. Шунда кўзи буталар орасида илжайиб турган Холбой раисга тушди.

— Мушукдай пусиб туришинг нимаси? — деди пўн-ғиллаб.

Холбой раис илдам юриб, уларнинг ёнига келди.

— Ўҳ-ҳӯ, майшат зўр-ку, — деди кулиб. Сўнг бир тоғага, бир Тўлаган овчига қараб туриб, қошлигини норози чимирган бўлди. — Сен-ку бориб турган бекорчисан: хоҳла, кечгача ялпайиб ёт, хоҳла, бошқа иш қил, аммо манови одамни нега тутиб турибсан? У ёқда пахтани сув босиб ётсин, бу кишим эса бу ёқда ёнбошлаб... а?! — Тўлаган овчи хижолат тортиб ўрнидан қўзғолган эди, у кулимсираб елкасини босди. — Ўтиринг энди бир пас. Гап бор.

— Ўлай агар, ҳеч раҳбар одамга ўхшамайсан-а, — деди тоға пиёлага ароқ қўйиб. — Раис деганлари сал салобатли бўлмайдими?

— Салобатли бўлиш учун, жўрам, сал бўлса-да савлат керак, жиндек қоринча ҳам халақит бермасди. Начора, худо бизни у нарсалардан сиққан. Бўлган бўлдигимиз шу. Хўш, яна эътиrozлар борми?

— Ҳозирча йўқ. — Тоға қўлидаги пиёлани унга узатди.

— Ичмайман, иссиқда юрак ўйноғи қиласди.

— Улмайсан, Тўлаган aka оптургандан, сен нимага ноз қиласан. Ол!

— Тўлаган акангди йўриғи бўлак, нари борса, бригадирдан гап эшигади. Мен райкомга ўтишим керак. Ҳиди анқиб турса, яхши бўмайди. — У шундай дея Тўлаган овчига ўгирилди. — Дарвоқе, сиз дунё кезган

одамсиз, чорвага яхши яйлов керак, қаерни тавсия қиласиз?

— Нима, Бешкентди дашти торлик қип қолдими?

— Бир ойга қолмай чанги чиқиб кетди-ку. Нима, яқин ўртада у томонларга ўтмаганмисиз?

— Қишидики изғисам,— Тўлаган овчи дастурхондан бодринг олиб, иккига бўлди.— Айтганча, Бадахшон қирлари-чи? Яйловбоп ерлар. Лекин айритомликлар қўярмикан? Қўймасов. Раисини худодан қайтган одам дейишади. Ўлмас сорини уруғидан...

— У ёғидан хотиржам бўлинг, бир амаллаб тил тошишармиз. Аммо у ерлар қўшни савхўз томонидан банд этилмадимикан? Чамамда савхўз ҳар йили қўйларини ўша томонга ҳайдайди. Шундай эмасми?

— Икки йилдан бери савхўз қўйларини тов ошириб, Тожикистон томонга ҳайдайди. Кўлди бўйига. Ўт десанг тизза бўйи. Оқшом совуқ ейди одам. Қийклар ҳам учрайди. Ҳамиша баҳор... Шу бир йили десанг...

— Сиз яхшиси, Бадахшон қирларидан гапиринг.

— Нимасини айтай, тузук жой,— Тўлаган овчи қўлидаги бодрингни бирини тишлаб, бирини болага илинди. Бола олмагач, дастурхон четига қўйди. Оғзидагини тез-тез чайнаб, сўзида давом этди.— Лекин қорамолди чиқиши қийин — йўли чатоқ. Ушоқ мол бўса, бошқа гап. Яна ким билади. Агар подачи энчилроқ бўса, энлаши мумкин.

— Шу ишни сиз ўз зиммангизга олмайсизми?

— Эшқўзи боракан,— Тўлаган овчи кескин бос чайқади,— ферманнга оёғимни босмайман!

— Хай, жўнанг унда.— Холбой раис чеҳрасига жиддий тус берди.— Арекни ичибсиз, овқатни урибсиз... энди боринг. Паҳтани сувга бостирасангиз, нақ мендан кўрасиз. Борақолинг.

— Улфатимни ҳайдадинг, энди ўзинг ичасан,— деди тоға Тўлаган овчи кетгач, Холбой раиснинг билагидан тутиб ёнига ўтқазаркан.— Ичмасанг, оғзингдан қўяман.

— Бекор қиласан. Кечгача ўтирадиган одамсан, ўзингга керак бўлади ҳали.

— У ёғи билан ишинг бўлмасин.

Холбой ранс билагидаги соатга кўз ташларкан, одатдагидек, осонгина рози бўлди.

— Майли, қўлинг қайтмасин. Шу баҳонада бир чўмилиб оламан. Ёз ўрталабдики, ҳали сув бетини кўрганим йўқ.

Холбой пиёланни бўшатди-да, тезгина ечиниб, сувга

түшди. Тезоб жойга боришга юраги бетламай, соҳил бўйлаб нари-бери сузган бўлди. Кейин қирғоққа чиқди.

— Уҳ-уҳ, сени билганинг-билган,— деди дийдираб.— Одамди жони киради-я. Қани, яна элликта қуй. Бир сафар бормасам,райкум бова пишириб емас. Ҳамма ишимиз жойида, нима ҳам дерди.— Ү пиёлани қўлига оларкан, болага юзланди.— Сен бола, ҳадеб менга тикилавермай, тоғангди индийский чойидан битта дамлаб кел. Би-ир маза қиласайлик. Чойдан кўпроқ сол, пичоқ билан кесадиган бўлсин.

— Ана бу бошқа гап,— деди тоға уни қувватлаб, ғамхўрона оҳангда.— Одам ишнигина эмас, дам олмоқни ҳам билмоғи керак. Бурунларнинг тагидан шундай сув пишқириб оқса-ю, санлар эгниларингни шўрлатиш юрсаларинг...

Боядан бери Холбой раисни жонсарак кузатиб ўтирган Сайд бирдан ташвишга тушиб қолди. Негаки, ўша ўзига таниш, ҳадсиз баҳсу мунозараға имо берувчи кинояли табассум Холбой раиснинг лаблари узра секинваста қанот қоқмоқда эди.

— Ҳақ гап,— деди у хиёл эрмакловчи оҳангда.— Биз қишлоқилар жонди қадрини қаердан билайлик...

— Тағин пичингми?!

— Пичинги нимаси, гапди рости — шу,— Холбой раис кичикроқ гўшт бўлагини кўк пиёзга обдон ўраб-чирмаб оғзига тиқди. Тоғани бошдан-оёқ кузатган кўйи узоқ чайнади. Сўнг ҳокисорона бир оҳангда яна гапда давом этди:— Яхши, бугун анча ўзингга кеп қопсан. Кеча аҳволингни кўриб... аламингдан ёрилиб ўласами деб қўрқувдим. Ҳайтовур, ўзингни анча тутиб опсан...

Тоға кулди.

— Ўлмасак ҳам булайроқ бўлдик.

— Ўлма. Ўлишга арзимайди у. Аммо-лекин думи қопқонга тушган жондордай ёмо-он тўлғандиларинг. Айниқса, Жовли... Сенам қолишмадинг. Четдан қараган одамга жуда кулгили кўринаркан.

— Тўлғанишга арзигулик-да... Эсласам, ҳалиям ичэтим бараварига тиришади.

— Ие, ўладиган жойда эмассан-ку, бунча ич-этингни емасанг,— Холбой раиснинг андак қовоғи уюлди.— Авваллари бундай эмасдинг-ку, а? Қачондан буён бундай... «Тирикчилик бандалари» дея яқин-яқингача устимиздан кулиб юрган сен эмасмидинг?! Мисолларинг ҳам зўр эди, фалон рассом нон еб кун кўрган, фалон одам сувдан қаноат топган... Бу қурмагурдан зўр одам чиқа-

ди-ёв деб юзибмиз. Сен эса расм чизишиям ташлаб юбординг. Қайтамга Шавкат саригнинг ули дуруст чиқди. Тунов куни телевизордан ҳам кўрсатишди.

— Одилми? Одил рассом эмас, фирт халтурачи! Бу ҳам майли, ўтакетган ялтоқи! — Тоғанинг кейинги гаплари сўкинишга айланиб кетди.

— Тан олма,— Холбой раиснинг энсаси қотди.— Тан олсанг, отдан тушиб қоласан. Ахир ўзинг ўшанчаям бўлмадинг-ку. Чоригингни судраб, ярим йўлда қолиб кетдинг-ку.

— Нимасини тан олишим керак, ўн-ўн бешта фотонусха суратиними, ё эркак кишига хос бўлмаган ялтоқлигиними? Айт, қайси бирини тан олай?! Думи бўлмаса ҳар қандай тешикка кириб кетадиган тулки-ку ў! Ҳали иягига мўй битмай, уйли бўлди, устахоналик ҳам. Чунки кимга қандай мулоэммат қилишни билади. Керак бўлса, тувак тутиб, тувак тозалашдан ор қилмайди. Ундан юз чандон истеъдодли йигитлар эса лаш-лушкини орқалаб, ижарама-ижара сарсону саргардон юрибди.

— У нарсалар... сендаям бор шекилли?— Холбой раис ҳайрон бўлди.— Хўш, бунинг нимаси ёмон? Опти, қандини урсин.

— Бу нарсаларга мен унга ўхшаб бирорларнинг кетини ҳидлаб эришганим йўқ. Бу — бир, Иккинчидан эса, иккни хонали квартирамни уй сонига қўшаётган бўлсанг, қаттиқ адашасан.— Тоға аччиқ кулимсиради.— Уй эмас, катак. Торлигидан хотин билан кунора қирпичоқ бўлиб турамиз. Бу нарса ёлғиз худога аён, бандасига эса сир бермасликка тиришамиз. Устахонага келсак, ҳали-вери пешонага битмаса керак. Агар машинани назарда тутаётган бўлсанг, кимнинг пулига келганини ўзинг яхши биласан. Бобой хизмат қилмаганда, ким билади, ҳануз яёв юрган бўлармидик.

Бу гаплар Саид учун янгилик эди. Шу боис энди кўраётгандек тоғага ҳайрон термулиб қолди. Шу дамгача тоғаси ҳар нарсага қодир кўринарди. Лаҳзада у одатдан бир оз кичрайгандек туюлди.

— Ҳай, ғийбатга чек қўяйлик,— Холбой раис жойлашиброқ ўтиаркан, болага имо қилди.— Бунақада жиянбойди кўзини очиб юборамиз.

— Ташвиш қилма, менинг қудуғим бу,— Тоға унинг бошини силаб қўйди.— Ториқдан кезларим кўнглимдагини шунга тўкаман. Тушунмаса-да, тушунгандек бўлиб тураверади кўзларини пирпиратиб. Лекин расм чизиш-

ни ташласа яхши бўларди. Одамлар гумроҳ, ижодкорнинг қадрига етишмайди. Умри азобда ўтади.

- Демак, сен азобга чидаёлмабсан-да?
- Қайси азобни назарда тутяпсан?
- Эй, азобнинг ҳам тури бўладими?
- Эмасам-чи.
- Ундай бўлса, сени ижоддан бездирган азобни назарда тутяпман. Ўзи анчадан бери сўрайман деб, ҳеч маврудини тополмай юрувдим. Мана, ўзинг гап очиб-қолдинг.

Тоға жавоб беришга ошиқмади. Пиёладаги совуқ чойни сепиб ташлаб, ўзига ароқ қўйди. Қичикроқ помидорни бўлаклаб, туз сепди. Бодринг ва кўк пиёзни ҳам шу хилда саралади. Ва шундан сўнггина пиёлани қўлига олди.

— Қойил, ичишниам қотирасан, ейишниам,— Холбой раис ҳаваси келиб бош чайқади. Қейин ўзи ҳам унга таассуф қилиб, емишларни танлай бошлади.— Қилингни кўриб, мениям ичким кеп кетди. Озроқ қўй-чи.

Тоға, лунжи тўла овқат, пиёлани яримлатиб ароқ қўяркан, қармоқ томон ўгирилди.

- Бугун негадир балиқнинг мазаси йўқ. Қулинг ўргилсин шўрва пишириб бермоқчи эдим сенга.

— Балиқ шўрва ичмай юрибмизми, жўра.

— Бу галгиси бошқача. Рецепти янги. Бир белорус оғайнимдан ўрганиб келганман.

— Ҳаммаси ўзбекди овқатидан ўтаверсин,— Холбой раис дастурхон четида турган соатга кўз қиринтишлаб, муддаога кўчди.— Сен кўп гапни спқочмай, азобдан гапир.

— Тутган жойингни қўймайсан-а?

— Нега қўярканман. Балки ёрдамим керакдир. Кичкина одам эмасмиз ахир. Очиқ айтавер. Дўстингга айтмасанг, кимга айтасан.

Тоғанинг чеҳрасига эрмакловчи табассум қалқиди.

— Мана сен Одил яlamани мақтадинг,— деди бир оздан сўнг.— Индамасам, кечгача таърифу тавсиф этишдан тоймасдинг. Чунки у телевизорда чиқди. Ҳамқишилоғинг, фууруланишинг тайин. Бир жиҳатдан бу феълинг яхши. Бирор учун қувонишу фууруланиш ҳамманинг ҳам қўлидан келавермайди. Лекин энг ёмони, унинг ижоди ҳақида зигирча тасаввурга эга эмассан. Билмайсан. Билишга ҳаракат ҳам қилмайсан. Нима чизяпти, қандай чизяпти, масаланинг бу томони билан мутлақо-ишинг йўқ. Е биласанми?

— Қайдам,— Холбой раис елка қисди.— Яхши бўлса керак. Ахир бекорга телевизорда кўрсатишмайди-ку.

— Демак, зўр?

— Албатта,— деди Холбой раис иккиланиброқ.— Акс ҳолда... Мана сени кўрсатишмаялти-ку. Демак...

— Энди гапни мендан эшит.— Тоға гавдасини олдинга ташлаб, дўстининг кўзларига қаттиқ тикилди.— Уша мақтаган одамнинг фирт...— У керакли сўзни тополмай бармоқларини ўйнатди. Бармоқларини ўйнаташўйната яна асл ҳолатига қайтди, қаддини ростлади.— Ишларидан нуқул шиор ҳиди келади... Шамолнинг қайси томондан эсишига қараб муқом қиласди...

— Сен азобдан гапир. Одил ялама...— Холбой раис кулиб юборди.— Лекин зўр лақаб топдинг. Қалланг ишлайди сени. Уша яламанг нимани чизади, қандай чизади, шахсан менга ҳеч қизифи йўқ. Нима дардинг бор? Мана шундан гапир.

— Ҳа, баракалла, ҳамма гап мана шунда-да. Сенга ҳеч ниманинг қизифи йўқ. Ким нима чизади, қандай дард оғушида ўртанади. Сен учун бари копейка. Агар билсанг, айни шу нарса мени азобга солади, ижоддан кўнглимни совутади...

— Эби, қип-қизил тұхматчи экансан-ку,— ҳайратдан Холбой раисининг қошлари керилди.— Нима, биз учун чизасанми? Нимаики қилсанг, ўзинг учун... Иддаонг нимаси?

— Рассом ўзи учун чизмайди, калла?!— Тоғанинг жаҳли қўзиб кетди.— Кўнглидагини әлга айтиш мақсадида кунни тунга улайди. Агар ҳалқи уни тушунмаса, тушунишин истамаса, қалби ўртанади, куйиб-ёнишимдан нима фойда, дея ич-этини ейди. Мана сен ҳар йили шаҳарга бир неча марта борасан, хўш, бирор сафар музейга ёки бирор кўргазмага кирдингми?

— Гарданда шунча иш, музейга қўл тегадими, жўра.

— Ресторанга вақт топасан-ку.

— Ҳа, энди... дам ҳам олиш керак-ку.

— Ресторанда одам дам оларканми?

— Шовқин-суронини демаса ,бинойи жой. Айниқса, қаватингда биттаси бўлса...

— Ҳаётнинг мазмуни сен учун шу. Шундайми?

— Сен бу ерга келиб, сувди бўйида баҳра олгандек, биз ҳам у ёқда...— Холбой раис болага қараб қўйиб, сирли илжайди,— ўзимизди димогимизни чоғ қип юрамизда.

— Мен бу ерга фақат баҳра олганк келмайман, ўйлагани, фикр қилгани келаман.

— Нимани ўйлайсан?

— Ўйлайдиган нарса камми? Масалан, сенинг нодонлигингни ўйлайман. Сенга ўхшаганларнинг ниҳоятга кўплигини ўйлайман. Ўртамиздаги улкан деворнинг ёғот мустаҳкамлигини ўйлайман. Қисқаси, ўйлайдиган нарса кўп, жуда кўп...

— Қанақа деворни айтяпсан?

— Халқ билан бизнинг ўртамиздаги деворни айтганиман. Бир тўдамиз улкан шаҳарнинг турли кавакларида ўзимизча нималар биландир бандмиз. Чизаётган нарсаларимизни эса бир ҳовуч одамдан бошқаси тушунмайди. Тушунмоқ у ёқда турсин, лоқал қайрилиб қарашмайди. Ҳатто чет элда шуҳрат топган расмларимизни ҳам бу ерда бирор бир тийинга олмайди. Биз аҳмоқ эса кўргазмалар ташкил қиласмиз. Ўзимизча томошабинга нимадир бермоқчи бўламиз. Халқ эса лоқайд... Районда ўюштирган кўргазмамга неча киши кирганини билансанми?

— Қайдам. Лекин биз бир мошина бўлиб борганимиз. Ўзим бошлаб борганиман. Биринчи куниёқ.

— Чунки очилиш маросимига бағишлиланган қуюқ зиёфати бор эди-да. Кўпчилик шуни деб борган. Айниқса, Жовли чапанига ўхшаганлар.

— Ҳа, бундай нарсаларга унинг суяги йўқ,— Холбой раис бу хил сухбатга чек қўйиш мақсадида гапни четта буришга чоғланди.— Айтганча, кўргазмангта қарши турган Бердиёров бор-ку, секретарь. Ўша яқинда обласга кўтарилиб кетди, маданият бошқармасига бошлиқ бўлиб.

— Қўй яна бўрига топширилибида-да.

— Ўшанда ўзинг ҳам ўжарлик қип туриб олдинг-да. Бор-йўғи уч-тўрт расмингга қарши чиқувди. Ҳўп десанг, шунча гап-сўз ҳам бўлмасди. Керак бўлса, одам ҳам ўюштириб берарди...

— Ўша ишларим ҳозир чет элда...

— Ў-ў!

— Лекин бундан нима фойда, сизлар тушумаганларнингдан кейин?

— Қайси ишларинг эди? Эслаёлмай турибман.

— Жовлининг гапини эслаб.

— Унинг қайси бир гапини эслайман.

— Зап қўчкор эканми? Оёқларини кулликлаб, сў-

Йишга ҳам тайёрлаб қўйибсан. Бир пичоқ тортсанг бўлди, қозон-товоғинг гўштга тўлади, дегани-чи.

— Эшикдан кираверишдаги каттакон расм эмас-эниди?

— Ҳа, балли!

— Ўшанинг нимаси зўр экан? — деди Холбой раис елка учирив. — Очиғи, мен ҳеч нарса тушунмаганман.

— Сизларнинг рамзий ифодаларинг... — Тоға ер остидан унга қаттиқ тикилди. — Лекин Бердиёров сизларга қараганда хийла дидли экан, ўша маънони тез илғади. Илғагани учун ҳам оёқ тираб туриб олди.

— Бундан чиқди, биз калтафаҳм эканмиз-да, а?!

Тоға индамади. Шишани қўлига олиб, бир муддат ўйланиб турди-да, ичасанми, деган маънода шеригига қаради. Йўқ, ишорасидан сўнг пиёланни яримлатиб ароқ қўйди. Лекин ичишга ошиқмади. Имиллаган кўйи помидор танлай бошлади. То Холбой раис ҳовурдан тушмагунча шу хил ишлар билан андармон бўлди.

— Диң биздаям бор, — деди ниҳоят Холбой раис ўп-каланган оҳангда. — Идорам қархисидаги ҳайкални кўрдингмас? Шахсий заказ. Сенинг тилинг билан айтганда, ҳақиқий санъат.

Тоға унга ачингансимон тикилди.

— Тобут кўтарган тўрт солдат... — деди ғудраниб. — Бундан ортиқ дидсизлик бўлмаса керак.

— Бекор айтибсан! — деди Холбой раис чўрт кесиб. — Михдай нарсал

— Ижрочиси қаёқдаги дордан қочган ҳайкалтарошлардир-да?

— Нега энди, армани ўртоқлар.

— Халтурачилар! Қанча тўладинг?

Раиснинг жавобидан тога чўзиб ҳуштак чалиб юборди.

— Эсиз, — деди бошини сарак-сарак қилиб. — Шу пулни ўзимизнинг болалардан бирига берганингда, савобга қолардинг.

— Улардан қарзим йўқ менинг, — тўрсайди раис.

— Миямда анчадан бери бир фикр айланиб юради, — деди тоға бир муддат жимлиқдан сўнг. — Мана сен бақувват хўжаликнинг раҳбарисан. Истеъодли бирор бир юпун рассомни оталиқча олсанг бўлмайдими? Шу йўл билан балки ўзбек тасвирий санъатининг ривожига ҳисса қўшармидинг. Талантга ҳомий бўлиш яхши иш-да.

— Халқнинг пулини сочишга ҳаққим йўқ.

— Халтурачиларга берисан-ку.

— Улар меҳнат қилишди.

— Бу ҳам қараб турмасди.

— Аслида ўша ҳайкалга унчалик ҳушим йўқ эди,— деди Холбой раис.— Чоллар сўрашгач, йўқ деёлмадим. «Кизил юлдуз»ди раиси ҳайкал қўйдирдию бизда чоллардики ҳам ҳуриллаб қолди. Урушда шаҳид кетган жўраларга хотира бўлсин деб қўйишмади.

— Темнота!

— Ўзинг темнота!— Холбой раиснинг чинакамнга жаҳли чиқди.— Сен, жўра, кўпам ўзингга бино қўяверма! Кеча кўрдик ҳолингни! Ҳазна деб шайтонлаб қолишингга озгина қолди. Тағин кишиларга баҳо берасан-а!

— Билмасдан тўн бичма. Ҳазинадан мақсадим нималигини билганингда бундай демасдинг.

— Бойиш-да. Яна қандай мақсадинг бўларди?

— Бир ҳисобда гапинг тўғри,— тоға жиндек паст тушиб.— Тирикчилик ташвишларидан сал қутулиб, тинчгина ижод қилмоқчи эдим. Қолаверса, қўл учиди зўрға кунини кўриб юрган укалар бор. Фоят истеъодли йигитлар. Ӯшаларга кўмаклашмоқчи эдим.

— Шунчалик пулга муҳтож экансан, отангдан қолтан молларни сот. Уларга қарайман деб поччанг бечоранинг ийифи чиқиб кетди-ку.

— Улардан наф йўқ. Сотган тақдиримда нари борса, бир халта пул бўлади. Менга эса бир қоп керак. Иккинчидан, у жониворларни жиянга атаб қўйганман,— у шундай дея болага ялт этиб қаради.— Бу гапларни тағин отангга айтиб юрма. Ҳафа бўлиши мумкин.

— Майли, ҳазинани қўлга киритдинг ҳам дейлик. Ҳўш, кейин уни қаерда пуллардинг?

— Шаҳарда нима кўп, учар кўп, биттасига секин...

— Шу гапларинг ростми энди?

— Биласан, ҳазилга унча тобим йўқ.

— Қийналиб кетибсан,— Холбой раис ошкора ачиниш билан унга тикилди.— Шунчалик қийин экан, нима қилардинг шу йўлга кириб, а?

Тоға зарда билан қўл силтади.

— Ҳаммасига сен айбдорсан. Ӯшанда кўргазма ташкил қил деб қулоқ-миямни емаганингда, балки...

Тоғанинг иддаосида жон бор. У нозиктъаб дўстлари таъсирида манзарадан безиб, рамзий маъноли расмларга ружу қўйди ҳам. Аммо кейинчалик машъум бир ҳақиқатни фавқулодда англаб қолди, тасвирдаги рамзи ифодани ўзига ўхшаш маълум бир тоифадаги одам-

ларгина ылғамаса, бошқалар сезмас экан. Айниқса, буни ўз күргазмаси пайтида яққол ҳис этди. Ўшандаги баъзи сұхбатларни эсласа, ҳануз эти жунжикади.

Жовли чапанининг тайин-бетайин гапларидан энсаси қотиб, суратлари қаршисидан соямисол сирғалиб ўтат-ётган сийрак томошабинларнинг хатти-харакатларини синчков кузатиб ўтирганда, қаршисига баҳайбат бир одам келиб тұхтади.

— Жиянбой, тузуккина юрибсизми?— дея паншахадек құлни узатиб, узоқ ҳол-ақвөл сұрашди. Нусраттинг бегонасираб турганини пайқагач, ўзини таништирди.— Ога томондан узоқроқ қариндошинг бўламан. Ҳов бизди бригадага бориб, янгангни суратини ишлагансан-ку, эсладингми? Уйга ҳам кирмабсан, айби йўқ, сен бизди танимайсан. Бобой ўлдиду отангни оёғи тортилиб қолди. Шаҳар борганды, кирай десам, уйингди билмайман. Бу ерда қўл ишдан бўшамайди. Бугун бозорга тушувдим. Бизди ерларда эртаги картишка яхши битади. Майдароф-у, лекин таъми ширин. Шу десанг, картишка сотиб турсам, ҳамсоюмни ули бориб қолди, ўпкасини қўлтиқлаб. Фалон ерда янганни суратини кўрдим, сураткаш ўзимизданакан, деди. Картишканি сотасолиб бу ёққа чопганим.— Эркак шу гапларни айта туриб, залдаги расмларга кўз югуртириб чиқди-да, ўртароқдаги расмга ишора қилди.— Анови сурат. Худди ўзи. Вей уккағарди хотини-еї, тарвайиб ўтиришини қара. Ўзи кўрса, тоза суюндарди лекин.

Тоға унга әргашиб, расм қаршисига келди. Қизиқ-синган икки-уч томошабин ҳам уларга қўшилди.

— Худди ўзи!— дея таъкидларди эркак, оғзи қулоғига етиб.— Юрт сұраб турган бойвуччага ўхшаб ўтиришини қара буни! Элбек носфурушни қизи-да, худогавдадан берган. Лекин расмга янайм катта тушиди. Бай-бай худди тирикдай.

Тасвирдаги манзара у эътироф қилганга сира ўхшамасди. Эркакчасига чордона қуриб ўтирган хўппасемиз аёлнинг кўзларидаги лоқайдлик расмнинг асосини ташкил этган бўлиб, ранги униққан чорсидаги ион бурдалари, пиёладаги чойнинг заъфарон кўриниши бу маъноди янада бўрттириб кўрсатарди. Орқа томондаги сўник дала кўриниши билан аёл ҳолати ўртасида қандайдир ҳамоҳанглиқ мавжуд эди.

— Бирор нима тушуняпсизми ўзи?— деб сўради тоға эркакка синчков тикилиб.

— Нимасини тушунай?— эркак расмга бошдан-оён

кўз югуртириди.— Хотиним абед қип ўтирибди. Лекин битта хатога йўл қўйибсан. Тарвузди чизмабсан. Хотиним тарвузди яхши кўради. Тарвузди сувига нон ботириб ургани-урган.

— Шундан бошқа нарса кўрмаяпсизми?

— Яна нимаси бор экан,— эркак бир одим тисарилиб, унга диққат билан назар солди.— Шу... бурнини сал каттароқ чизибсанми дейман. Йўқ, жойида. Узи буларнинг уруғ-аймоғи билан ҳаммаси бурундор. Укасини кўрмабсан, бурни нақ муштдай келади. Танисаңг кепрак, Салой бурунни? Кўпкарини уйини кўйдирали.

Тоға индамай чорчўп четидаги ёзувға имо қилди. Ҳалиги киши лавҳага кўз ташлааб, овоз чиқариб ўқиди:

— «Менинг оғриқларим»...

— Энди тушунгандирсиз?— деб сўради тоға бесабр қиёфада.

— Нима деганинг бу?— у лавҳадан кўз узиб, тоғага ҳайрон боқди.— Тушунмадим.

Тоға ғаши келганини яшимрмай, юзини терс ўғирганди, у енгидан тортди.

— Тушунтир бундай. Нима деганинг бу? Кўнгилга ҳар хил гап келиши мумкин. Нимага буйтиб ёзиб қўйдинг, а?

Тоға юрагининг тубидан кўпчиб келаётган ғазабини базўр жиловлаб, оддийроқ тушунтиришга ҳаракат қилди.

— Янга илгариям мана шунақа... хомсемиз эдими?

— Йўқ, хипчагина эди. Қизлигида мўрчамиён деб кўп жонига тегардим. Кейин семирди.

— Нимадан деб ўйлайсиз.

— Ҳа, энди, бола-чақалик бўлгандан кейин семирмай қаёққа боради? Семиради-да.

— Бунга бола-чақанинг аҳамияти йўқ.— Тоға кескин бош чайқади.— Янгам нондан семирган. Куни нонга қолган одам мана шу тарзда шишади, семиради. Хомсемизлик бу.

— Қўйсанг-чи, нонданам киши семирадими? Бўлма-тур гап.

— Энди, бу менинг фикрим. Қишлоқ аҳлининг қашшоқлигини образли ифода этдим, холос. Ким қандай тушунса — тушунаверсин.

— Лекин расми зўр чиқибди,— дели қариндоши энди унинг гапига ортиқ эътибор бермай.— Ҳудди ўзи-я. Берсанг, уйди тўрига осиб қўярдим. Қелган-кетганни.

ичи куйиб ўларди. Ҳали бизди қишлоқда бирор расмини буйтиб ишлатмаган. Тоза зўр бўларди-да.

Алам ва ғазабдан тоганинг афти қийшайиб кетди. Энида қаққайиб турган новча қотма йигитга ўгирилиб сўради:

— Сизам шу фикрдамисиз?

— Ҳақиқатан ҳам худди тирикдай чиққан,— деди йигит.— Отамди расмини чиздиришим керак экан сизга. Қанчага чизиб берасиз? Мановунгиз қанча туради?

— Ҳеч қанча!— деди тоға зарда билан.— Шу дамтacha жуда қимматли эди. Энди копейка!.. Олиб кетаверинг.

— Йўғ-эй,— деди қариндоши қувончини базўр яшириб.— Қуруққа олсак, уят бўлар. Пулини айт. Қиммат айтсанг, савдолашамиз. Аммо сендан зўр... нима эди... эсадалик бўлиб қолади-да. Айтақол. Нари бўрса, ярим қоп картишканинг пули бўлар. Айт, қанча?

— Ҳеч қанча!— Тоға жаҳл ила суратни михдан бўшатди-да, унинг қўлига тутқазди. Кейин ўзи ташқарига ҳараб юрди.

Уша куни у қайтиб кўргазмага кирмади. Орадан икки ҳафта ўтга расмларини йиғишириб, омбортомга тиқиб ташлади. Баъзиларинигина ўзи билан бирга олиб кетди.

Шундан бери караҳт — ишлаб ишлолмайди, ташлаб ташлолмайди.

...Катталарнинг гурунгидан бола зерикди. Ўриндан қўзғалиб, буталар оралаб кетди. Суғир инини топиб чоптириди. Суғирнинг қочиб чиқишини кутиб бирпас турди. Чиқавермагач, изига қайтиб, челакни қўлига олди. Олти чепак сувдан сўнг, бериги тешик қолиб, нариги тешикдан икки суғир отилиб чиқиб, чийиллашганча буталар оралаб қочди. Бола қўлидаги чепакни даранглатганча уларни қува кетди. Бута шохига чирмашиб ётган илонга дуч келмагунча тинчимади. Кейин ранги-қути ўчиб, изига қайтди. Илон ҳақида катталарга айтмоқчи эди, улар эътибор беришмади. Тўғрироғи, эътибор берадиган ҳолатда эмасдилар — қизаришиб-бўзаришиб, бир-бирига гап сўқиш билан овора эдилар.

— Дунёнинг ташвиши фақат сенинг бошингда қолгани йўқ,— дерди Холбой раис.— Кўнгилни ғашлайдиган ҳолатлар биздаям тўлиб-тошиб ётибди. Айниқса, ҳозирги ёшлар одамди қон қип юборади. Қўлида диплом, иш бер, деб келишади. Иш берасанам. Шу билан замом — ойликни олиб, ўринни банд қип юраверади.

Иzlаниш йўқ, куйиниш йўқ... ўзиям, онгиям карахт.— У кўкрагига нуқиди.— Мана бу ерида ўт йўқ. Ўзинг айт, бунақалар билан тирикчилик қилиб бўладими? Бўмайди. Утган қиши биттасини бригадирликдан олиб ташладим. Отаси келиб қилди тўполонди, қилди тўполонди, на гапга қўнади, на дўққа. Оппоқ соқолини пеш қип туриб олибди. Охири ўғлини сабзавотчилик бригадасига ўтказиб тинчидим. Ўнисини эпламаган бунисини эплармиди.

Қармоқ эсига тушиб, тоға сув бўйига ошиқди. Балиқ хўракни еб кетган экан, қармоққа қайта чувалчанг жойлади.

— Бугун негадир овим юришмаяпти,— деди тўнғиллаб.— Валақлайвериб балиқларни ҳам чўчитиб юбординг.

— Ҳай, унда мен кетдим,— Холбой раис ўрнидан қўзғалди.— Эрталаб тайёр бўлиб тур. Менинг машинам да кетамиз. Аммо лекин тоғликлар тўйни зўр қилади.

У бу сафар тинч хайрлашганидан бола ҳайрон қолди.

\* \* \*

Кечга томон Жовли чапани ҳовлиқиб келганида, тоға бўғзигача сувга кўмилиб ўтиради. Уни кўриб, апил-тапил соҳилга чиқди.

— Нима гап?

— Отлан!— деди Жовли чапани шошириб.— Дарагини топдим. Үсар кал экан. Учкапалик. Имилламай бўлақол!

Учкапани эшитиб, бола севиниб кетди. Тоза катайса қиласканман, дея тоғаси айтмаса-да, нарсаларни йигишириба бошлади. Шиша тубида озгина ичимлик қолган экан, четга улоқтираётган эди. Жовли чапани қўлидан юлқиб олди.

— Қайтиб келиб, чинакамига ювамиз. Бўптими?— деди тоғага.

— Қайдан била қолдин?— деди тоға ҳануз ишонгиси келмай.— Балки топшириб юборгандир?

— Топширса гап бўлиб кетарди-ку,— Кейин болага юзланди.— Машинаси сариқ эдими?— тасдиқ ишорасини олгач, турган жойида иргишлиб қўйди.— Айтмадимми!

— Кечагидай...— дея чайналди тоға.

— Йўқ, бу сафар тўчна... Бу атрофнинг одамларини беш қўлдай биламан. Ўшандан бошқа ит ҳам эмас. Оз-

тіма оміненчилігі бор... Ароғини ичиб, тилласиши олиб келамиз. Үзи гавдаси ҳұқыздай бұлғани билан ўлгудек күрісөк.

Төганинг кайфияти баланд, бир гапириб үн кулади. Машинаны шамол тезлігіда елдириб борарди, лалмига чиққачгина, тезликни сал пасайтири.

Бола уфққа бош құйған қуёш нурида ажыб бир тус-та кирған қырларни томоша қилиб бораётган бўлса-да, ҳаяжони уларнидан кам эмасди. Үсар кал кечаги одам бўлиб чиқишини ич-ичидаи истарди.

Үсар калнинг ҳовлиси муюлишда экан, дарвоза оддидиа турган машинани Сайд узоқдан таниди.

— Шу-шу! — деди ўтирган жойида иргишлаб.

Катталарнинг оғзи қулоғига етди. Тога азбаройи ҳовлиққанидан, йўл четида кетаётган кампирни туртиб юборишига оз қолди.

Эшикда уларни қорачадан келган, пакана бир йигит қаршилади.

— Үсар қани? — деди Жовли чапани алик олишни ҳам унтиби.— Чақир бу ёққа!

— Боясароқ гузарга тушиб кетувди,— деди йигит.— Ҳадемай кеп қолади. Қани, уйга тортингизлар.

Улар ҳовли юзидағи супага чиқиб ўтирилар. Қора йигит пилдираганча хизматта киришди. Дастурхон ёзи, қанд-қурс, чой олиб келди. Лекин улар дастурхонга қарамас, кўзлари эшакда эди.

— Оббо, писмиғ-эй, ҳаммасини ҳазм қиласман деб ўйлабсан-да,— деди Жовли чапани ғудраниб.— Еб бўпсан!..

Қора йигит бир кося аччиқ-чучук билан сочиққа ўралган шинша кўтариб келганида, Жовли чапани чапак чалиб юборди.

— Опке, бугун отадиган кунимиз...

— Гап бўлиши мумкин эмас, ака,— деди йигит хуш-холлик билан.— Озиб-ёзиб бир кепсиз. Норқулди тўйинга кеп-кеттанингиздан бери бирон марта қоронгизни кўрсатмадингиз. Ошна деган, қариндош деган бундай бўлмайди-да энди.

— Худди ўзларнинг борди-келдини қойиллатгандай...

Қора йигит хижолат тортиб ерга қаради. Худди шудам эшикда Үсар кал кўринди. Ҳамма унга қаради. Боланинг авзори бузилди. Үсар кал... У ёдам эмасди, келбатию юз-кўзи ўхшаб кетарди-ю, лекин у эмас. Бола ғуни у эшикдаи киргандәк пайқади. Пайқади баробар

юраги увишиб кетди. Ҳозир айтса, тогаси бақириб берадигандай, нафасини ичига ютди. Бахтига катталар сўрашмади. Тиллани ўмарган одам Ўсар кал эканинга уларнинг ишончи комил эди.

Мехмонларга кўзи тушган Ўсар кал қўлидаги нарсаларни қора йигитта тутиқазди да, улар томон қучоқ очиб кела бошлиди. Кўришиб-сўрашиб бўлгач, уйга томон ошиқди.

— Қара, димоги чоғ-да, иршайгани иршайган,— деди Жовли чапани унинг ортидан.— Тилланинг кучи зўр... керак бўлса, ўлижка жон бағислади.

— Не мақсадда келганимизни эшитса, юраги ёрилиб ўлса керак,— деди тоға.

— Улишга-ку ўлийди-я, лекин бир энлик эт ташлаши аниқ. И-и, бизга деса ўлиб кетмайдими! Тегишимизни олмасдан... бу ҳовидан чиқиш йўқ,— Жовли чапани шундай дей бирдан сергак тортди.— Шошма, болани кўриб пинак бузмади-ку, а? Таниши керак эди-ку.

— Тилладан кўзи қамашган чиқар,— деди тоға бепарво.

Жовли чапани Сайдга ўгирилиб, ҳадиксираб сўради:

— Шумиди?

Гуноҳкорона қиёфада дастурмон шокиласини ўйнаб ўтирган бола ердан кўзини узмай, йўқ дей бош чайқади. Тоға илом чаққандай бир санчиб тушди.

— Нима?

Жовли чапани вишиллаганча хунук сўкиди. Чиқмаган жондан умид дегандай боланинг сонидан маҳкам чахгаллади.

— Яхнилаб қара, балки...— деди бўрилиб.

— Йўқ, бу киши эмас.

— Об-бо, эшша-гэ!

— Кетдик!— деди тоға зарда билан.

— Утир энди,— Жовли чапани унинг тиззасидан босди.— Кўнглига келиши мумкин.

Улар турли егулик солинган ликопчалар терилган патнис кўтариб келаётган Ўсар калгá бўзрайганча туриб қолишиди.

Шу оқшом улар хийла кеч қайтишиди.

\* \* \*

Сайд нода ортидан хумсизгини сургалиб бораркан, ора-чора Тўлагам овчи минган эшак устидаги хуржунга қараб-қараб қўярди. Дурбидни олдимикан? Ўтган са-

фаргидек ташлаб келган бўлса-я. Сўрашга ботинмади. Бойси, эрталабдан Тўлаган овчининг кайфияти бузук: пода йифиладиган майдонда тўсатдан ўғлининг юзига тарсаки тортиб қолди: ҳи-и, мудрамай ўл, деб.

Овчининг фазабланганича бор, Товқора ғалати бола, тумшайган кўйи доим мудраб юради. Айтилган гапни тезда аңглай қолмайди. Отасига таъсир қилди шекилли. Бунинг устига, кичкина ўғлининг хархашаси... Нима эмиш, подага борармиш. Ўйингда маза қилиб ўтиранг-чи, нодон, шундай иссиқда дала-даштда пишириб қўйибдими сенга. Агар бугун подага чиқмаганида, Саид тоғаси билан тўйга кетган бўларди.

Охири унинг сабри чидамади. Ерга тикилганча таё-  
гини сургаб бораётган болага яқин борди.

— Товқора, дурбинни олганмисизлар?

Бола бош ирғади. Саид қувониб кетди. Энди қандай бўлмасин, Тўлаган овчининг кўнглини овламоқ керак. У югуриб бориб, четга ўрлаётган эчкilarни изига қайтариб келди. Тўлаган овчи унинг бу ишини маъқуллаб, бош ирғаб қўйди. Бола бундан руҳланиб, иккинчи ёнбошига ўтди.

Пода боши буғдойпояга етганда тепалик устида Олим чиноқ кўринди. Қизиқ, қип-қизил даштнинг нимасини қўриқлар экан у? Чол тепада бир муддат ғўдайиб турди-да, сўнг отини қияликтан пастга эндириди, поданинг олдидан кесиб чиқди.

— Ҳорманглар-ов!

— Бор бўлинг!

— Асли ўзинг подачи бўладиган-да, Тўлаганбой,— дея алқашга тушди чол.— Бошқалар бетмайди. Иссиқ уриб кетадигандай камардан чиқмайдилар. Тунов куни Соли дўхтирнинг каттасига камарга тиқилмай, лалмига ҳайдасанг бўлмайдими десам, пошул чўрт, дейди. Нима дегани бўлди бў, а, Тўлаганбой?

— Уруслаб сўкинган чиқар.

— Жўғай, одамди айнитма буйтиб. Биласан ачувижоман.

— Рости, ўруслага биздиям тиш ўтмайди, бобой. Ким билади, балки, маъқуллаганийdir. Ҳозирги болаларди тушуниш қийин. Бу, ўзингиз нима қип юрибсиз?

— Биздики бир ўрганиш, Тўлаганбой. Кунда бир айланмасак, бир нимани жўғатгандай, гаранг бўп жўраман.— Чол шундай дея қамчи учи билан Саидга имо қилди.— Тунов куни тилла топган боланинг бирори шуми?

— Ҳа, шу.

— Ҳа, жибиган болам-а, овзингдагини олдириб, қара-аб ўтирдингми? Сени ким айтади Бойпўлат чавандозди набираси деб!

— Энди сиз чайнаманг шу ғапди! — деди Тўлаган овчи норози бўлиб.— Тунов куни гурунгдаям тергайвериб рангини чиқаришмади, бола бечорани. Энди сиз.. Кўйиниг шу гапларни! Беш вақт намоз ўқийдиган одамсиз, сизга ярашмайди! Ундан кўра катталарга имон тиланг, инсоф тиланг!

— Ҳўп-ҳўп, тувба қилдик,— ўсал бўлганини билдири масликка тиришди чол.— Подани буғдоийпояда уялатмай, Қоровултепани жонлатиб, қирга ҳайданглар, хасҳашак мўл. Фурсат топсан, гурунгга ўтарман.

— Палак томонга ўтсангиз, хуржунга уч-тўртта сапча ташлаб қўйинг.

— Ҳўп.

Қоровултепадан ўтишгач, Тўлаган овчи эшагини тушовлаб, хуржунни елкага ташлади-да, қирга ўрлади.

Санд ботинмайроқ сўради:

— Тўлаган тоға, ҳалиги... дурбинингизни бермайсизми?

Тўлаган овчи хуржун тубини кавлашириб, дурбинни олди.

— Ма, фақат эҳтиёт бўл.

Бола дурбинни бўйнига осиб, чап томонга юрди. Дўнгга чиқиб, кўзига тўғрилади. Бошда ҳамма нарса юмaloқ ойначада сакраб кетаверди, кейин бирдан тинчилик ва турғунлик касб этди. У илк бор кўраётгандек, манзарага маҳлиё термулиб қолди. Тўлаган овчи шундоққина қўл етадиган масофада юқорилаб борарди. Бола дурбинни пастга қаратди. Товқора каттакон харсанг устида тиззаларини қучиб ўтиради. Кўйиб берса, кечгача шу тарзда ўтириши мумкин. Аммо эчкилар тинчлик бериб бўпти. Ана у эринибгина ўрнидан қўзғалди, таёғини силкитди. Сўқинди. Югурнишга ҳафсаласи келмай, ердан тош олди. Бироқ, эчки зоти айёр, кимнинг қанақалигини хатти-ҳаракатига қараб билади. Ҳозир ҳам улар Товқоранинг дўқ-пўписасига парво қилмай, пастга эна бошлашибди. Бир дўнг ошса бўлди, кейин уларнинг чангини ҳам тутиб бўлмайди. Сўнг кечкурун қиёматни кўринг — мол эгалари нақ гирибонингдан олишади. Ўтган сафар шундай бўлган. Абрай қириқнинг эчкилари қўшни қишлоқ подаларига қўшилиб кетган экан, жазавага тушиб, бутун қишлоқни бошига.

кўтард. Аввалбошда отасига ёпишиди. Отга юмшоқ одам, нима қиларини билмай, гаранг бўлиб турганида, уйидан Тўлаган овчи чиқиб қолди. Чиқмай иложи ҳам йўқ эди, барибир, Абрај қирриқ эшик қоқиб борган бўларди. Абрај қирриқ отасини кўйиб, унга осилганди, Тўлаган овчи белидан тутиб, даст кўтариб ерга урди...

Бундай кезларда бола жуда ҳайратланади. Катталар жанжални бунча яхши кўришади-я? Унга қолса, битта эчкини деб ҳеч ҳам уришмаган бўларди. Мана шундай пайтларда тоғаси кўзига яхши кўриниб кетади. «Гўмнота», дейди тоғаси кўрсаткич бармоғини чеккасида айлантириб. Бола нотаниш бу сўзниг маъносини англаб етмаса-да, тоғаси нимага шаъма қилаётганини фаҳмлайди. Аммо шундай одам аллақандай тингаларни деб Абрај қирриқдан баттар аҳволга тушиб ўтирибди-я! Қечагача боланинг кўнгли мана шундай ноҳуш кайфиятда эди, ҳатто тоғаси кўзига анча жўн ва бачкана кўриниб кетди. Бироқ кечаги сухбатдан сўнг тоғасига муносабати яна ўзгарди. Тиллаларнинг қўлидан кетганига илк бор қаттиқ ачинди. Тилла топсан ҳам масини тоғамга бераман деб, баъзи бир чолдеворларни кўз остига олиб қўйди.

Саид қўйига ўрлаётган молларни изига қайтариб, яна қўлинига дурбинни олди. Қўзига тутишдан олдин атрофга бир сира кўз югуртириб чиқди. Манзара маъюс, юрак сиқилади. Тоғаси билан сурат ишлагани чиққан кезлари бунақа туюлмасди, о-о нақадар гўзал, дерди тоғаси. Ҳозир эса ҳеч бир гўзаллик сезмаяпти. Бола дурбинни қишлоқ томонга тўғрилади. Тупроқ йўлни чангитиб бораётган болаларни кўрди. Тўда бошида Акбар чаққон. Ҳойнаҳой, полизни кўзлашган. Уларга боланинг ҳаваси келди, гўё бутун умри пода ортида ўтасётгандек хўрсинди. Агар иложини топса, ҳозироқ уларга бориб қўшилган бўларди. Оғзида тарвузнинг таъмини туйиб, ширин тамшанади. Дунёда ўғирлик тарвуздан ширин йўқ. Айниқса, пушталар оралаб эмаклаб, тарвуз ташлашга нима етсин. Қуёш тафтида қизиган тарвузга қўлинг теккан сайин ёқимли ҳисдан танинг ярайди, тарвузни ўша заҳотиёқ ёриб егинг келаверади. Ўзоқда қорайиб турган кападан кўз узиб-узмай изингга қайтаркансан, ўзингни қаҳрамондек ҳис қиласан. Танлаган тарвузнинг қизил чиқса, қувончдан бошинг кўкка етади. Ҳом чиқса, кулги бўласан, лекин қуруқ қолмайсан — болалар бунақа пайтда фавқулодда саҳийлашиб, топга

нини ўртада баҳам кўришади. Кейин кимнингдир узуми пишган боф кўз остига олинади...

Тушга яқин подани катта қирга, Қирқбулоқ томонга ҳайдашди. Қирқбулоқда биргина булоқ қолган. Тошлилар орасидан сизиб чиққан сув қамишзор оралаб бориб, қуийдаги чоғроққина кўлга қўйилади. Қўлнинг нариги томони қирга туташ, бериги тарафи подаёток.

Тўлаган овчининг ошиққанича бор экан, пода ётоқлаб улгурмай, пастдан қўшни қишлоқ моллари кўринди. Подачилар подаётокнинг бандлигини кўришиб, ноилож изига қайрилишди. Шўркўлгача камида уч чақирим, бояқишилар роса қйналадиган бўлишди.

— Тагин болалар...— деди Тўлаган овчи тутақиб.— Нима бало, катталарга қирғин келганми?! Одамларда тирноқча инсоф қолмади-я!

Худди шу гапни бобоси айтгувчи эди. Қишлоқда подачи йўқлигидан нолиб қўярди. Одамлар подачиликдан ор қиладиган бўп қолди, тавба, дерди.

Бир куни бобоси кимнингдир маслаҳат ошидан хунеби ошиб келди. Ота эндингина ишдан қайтган, жиққа ҳўл пайтавасини этиги қўнжига чирмаб, оёқларини печкага тоблаб ўтиради.

— Одамларда диёнат қолмади,— деди бобо чўнтағидан несқововини чиқариб. Кейин воқеани бир бошдан сўзлай жетди.— Маслаҳатда подачи танлови бўлади. Хабаринг бор, Ҳожи эпсиз чиқди. Барот маҳсум Нормат ниённи подачиликка раво кўриб ўтирибди.

— Нима бўпти?— деди отаси елка қисиб.— Ҳарна элга нафи тегади. Қўчада ичиб, сасиб юргунча бир ишнинг бошини тутгани маъқул-да.

— Нима бўптинг нимаси?!— Чолнинг баттар жаҳли чиқди.— Қалланг яримтами дейман сен болани! Нормат ниён элнинг назаридан қолган одам. Одам сиёҳи йўқ мардум подачиликка раво кўриладими?

Хуллас, чолнинг башорати тўғри чиқди, подачиликдан обрў кетди. Қишлоқда поданаавбат жорий этилди.

Тушликдан сўнг Тўлаган овчи тол тагини тозаладида, ҳуржунни тўшаб, уйқуга чўзилди. Товқора нон кавшаб турган жойида секин пинакка кета қолди. Саид аста ўрнидан қўзғолиб, қўлига дурбинни олди. Кўл ёқалаб бориб, ёлғизоёқ сўқмоқдан катта қир тепасига кўтарилиди. Бу қирга биринчи бор чиқиши эди, оламнинг кенглигидан ҳайратда қолди. Қишлоқдан туриб қарабанга яхши яқиндай, шундоққина қирнинг ортида турганд,

эди. Буни қарангки, тор жуда олисда, ўртада бир талай қиrlар мингашиб ётарди.

Бола дурбинни кўзига олиб борди. Тоғлар қўл узатса етадиган масофада яқин келди. Сайд беихтиёр бир неча одим олға юрди. Эҳ, ихтиёри ўзида бўлгандами, бу ерда бир дақиқа ҳам турмасди. Адашиб-улоқиб кетсаям майли эди. Тоғларни ўз кўзи билан кўрар, янги йил арафасида давра эркасига айланадиган арчаларни ўз қўллари билан тутиб, силаб-сийпаган бўлар эди.

Ҳозир шартта жўнаб қолса-яи?

Йўқ, кейин чатоғи чиқади.

Бу ҳолни у бир бор бошдан кечирган. Ўшанда ё тўрт, ё беш ёшда эди. Қишлоқ четидаги боғчага қатнарди. Боғча ҳовлиси пахта даласига туташ, пайкал адогида мўъжаз бир бино оқариб турарди. Боланинг назарида бинонинг орти ернинг чеккаси эди. Ернинг четига бориб, пастга — улкан сувликка назар солмоқни у жуда-жуда орзу қиласди. Бир гал ер қимирлаганда, момоси уни бағрига тортиб, бу ҳодисани шундай изоҳлаганди: «Улкан сувда балиқ, балиқ устида ҳўкиз, ҳўкизди шохлари устида жер туради. Жер деганлари ўзимиз ош жайдиган товоқлай тайпоқ бир нарса. Ҳўкиз шохларига дам берганда жер силкинади...» Мактабда глобусни кўргачгина фикри ўзгарди. Лекин бир жумбоқ уни мудом ўйлатиб келарди. Ер шар шаклида экан, нега унда денгиз ва дарё сувлари тўкилиб кетмайди? Аммо унинг саволи доим жавобсиз қолаверади, юқори синфга ўтсанг, билиб олаверасан, дейди муаллим. Тоғаси бутун олам тортилиш қонунияти ҳақида алланималар тушунтиргандай бўлади-ю, лекин бола борлиқдаги жамики нарса ўзи қўлидан қўймай ўйнаб юрадиган оҳанграболардек бирбирига тортилишини ҳеч тасаввурига сифдиролмайди... Кисқаси, ўшанда у боғча опасининг кўзини шамғалат қилиб, тор сўқмоқдан бино сари югурди. Бино томига қўниб турган қирмизи офтобни тутиб кўриш мумкиндек эди.

Югуриб бориб нимани кўрди денг. Бино ортида, пастликда катта қишлоқ ястаниб ётарди. Қишлоқ чеккасидаги ялангликда пода кутгани чиқсан болалар ўйнаб юришарди. Бола ҳайратдан донг қотди. Оламда ўз қишлоқларидан бўлак қишлоқ борлигини, унда худди ўзлари сингари одамлар яшашини хаёлига келтирмаганди. Энди ернинг чети олислашган, алдамчи қўёш эса жуда зоқда эди. У қизиқсиниб, нишабликдан пастга энди. Шатта ариқ устига ташланган яккачўпдан ўтиб, бирин-

чи ҳовли қаршисидан чиқди. Ҳовли деворсиз, супада чувак юзли чол ёнбошлаб ётар эди.

— И, кимди боласи бу? — деди чол. — Содиқникими?

Ўчоқ бошида куйманиб юрган кампир болага бир муддат тикилиб турди-да, уй томонга қараб овоз берди.

— Ойсулув, бунда чиқ.

Эшикда қораҷадан келган лобар қиз кўринди.

— Манави кимди боласи? Майрамники бўлса, уйига обор, шўрлик қидириб жургандир.

— Унинг боласига ўхшамайди, — қиз боланинг қошига келиб чўккалади.

— Кимди ули бўласан, айланай? Бу ерга қаердан кеп қолдинг?

Бола қўли билан келган томонга ишора қилди.

— Вой, ўлмасам, Яккатомдан кепти-ку бу.

Болага ажабсиниб тикилиб турган чол болишдан тирсагини узиб, супа лабидаги тарвузлардан бирини қўлига олди.

— Эби, меҳмон кеп қопти-ку. Қани-қани, супага чиқ, меҳмон бола.

Бола чолнинг қаватига чўкди.

— Қани энди, меҳмон болам, тўрт оғизгина гурунгдан беринг. — Чол жилмайиб, унинг бошини силади. — Кимди ули бўласан?

— Отамди.

— Отангди оти бордир? Нима оти?

— Отам.

Кулишадилар.

— Энангди оти нима? — деб сўради қиз кулгисини базўр ютуб.

— Энам.

Таомдан сўнг, чол уни эшакка мингаштириб, эран-қаран йўлга чиққанида, вақт хийла кеч бўлиб қолганди.

Уйда нақ қиёматнинг устидан чиқдилар: ҳовли тўла одам, кимдир ҳўнг-ҳўнг йиғлаётган энасининг бошида парвона, кимдир момоси билан андармон, яна кимдир боланинг тўсатдан фойиб бўлишини ўзича шарҳлаб, бошқаларни ҳам шунга ишонтиришга уринар, бир четда эса ҳозиргина дарё бўйидан қайтган йигитлар хомуш туришар эди. Ҳафта бурун ўйинқароқ бир бола сувга чўкиб ўлганидан бери одамлар юрак олдириб қўйиншган, хаёлан Сайдга ҳам аллақачон кафанди бициб қўйиншган бўлишса-да, аммо уни сўзда эътироф этмоққа бирор кимса журъят этолмас эди.

Уларни биринчи бўлиб дарвоза ёнида турган б-

лар кўришди. Ҳовли бирпасда тўс-тўполон бўлиб кетди. Отаси азбаройи қувонганидан боқувдаги тўқлисини буғизлади. Боз устига, чол бобосига ошна чиқиб қолди. Гурунг ярим тунга қадар давом этди. Ўша куни Тўлаган овчи тоғли бир қишлоқдан бола олиб қочган қўнғир айиқ воқеасини ҳикоя қилиб берди. Хуллас, ҳамма шод, фақат болагина хафа эди. Ахир хафа бўлмай бўладими, дунёнинг нақадар кенглигини кашф этганидан ҳануз юраги тошиб ўтиrsa-ю, эшитадиган қулоқ топилмаса. Кейинчалик ўша қишлоқ ортида яна кўплаб қишлоқлар, улардан нарида эса шаҳар борлигини бир сафар отаси билан район марказига тушгандагина билиб олди.

Бола ҳозир ҳам ич-ичидан хуруж қилиб келаётган «дайдиш» истагини базур тийиб турарди. Ўзига қолса, чопқидлаб кетиши муқаррар эди. Қани энди, тушига оппоқ булатлар бош қўйган анови қорли чўққига югуриб чиқсао ундан нарида нималар борлигини ўз кўзи билан кўрса. Айтишларича, тоғнинг ортида яна тоғлар бормиш. Сайд бу гапга ишонмайди. Унингча дунёда битта тоғ бор, у ҳам бўлса мана шу. Бир вақтлар оқ бино орти қанчалик сирли кўринган бўлса, айни дамда тоғ ҳам шунчалик сирли туюлмоқда эди.

Бола тоғу тошларни кўзи толгунча томоша қилди. Сўнг бирдан пода эсига тушиб, ортига ўгирилди. Кафтини пешонасига қўйиб пастга тикилди. Чет-четда хас чимдиг юрган уч-тўрт эчкини демаса, пода тинч ётарди. Сайд яна кўзига дурбинни тўғрилади. Боя пайқамаган экан, бир сурув эчки сой ичи билан палак томонга кетиб борарди. У дурбинни маҳкам тутганча пастга отилди. Сурувни қувиб ўтиб, олдинда кетаётган каттакон ола эчкининг биқинига тош билан боплаб туширди. Кейин сўкингандан қўлларини силкиди. Сурув гурра изига қайрилди. Тош текканда ғалати маъраб юборган ола эчки икки-уч одим ҳатламай, муккасидан қулади. Туришга уринмадиам.

Бола кўркувдан музлаб кетди.

— Ча-а! — деди жонҳолатда жунидан тортқилаб.

Эчки оёқ силкиб турмоққа интилди-ю, лекин ҳоли келмай яна гуппа қулади. Ожизгина маъради.

Сайд ранг-кути ўчиб, подаётоқ томон ўқдай ютурди. Эндиғина иккинчи ёнбошига ағдарилган Тўлаган овчи унинг шарпасини сезиб, бошини кўтарди ва боланинг ажодатини кўриб, каналаги учиб кетди.

— Нима... нима гап?

— Уляпти... эчки ўляпти!

— Оббо, фалокат-эй! — Тұлған овчи этигини яланғайиб, унинг изидан югурди. — Нима бўптикан деб ўйладман. Нима қилди? Урдингми?

Эчки оёқлаб кетганини Сайд узоқдан кўрди.

— Ия, туриб кетибди·ку, — деди қувонишиниям, ҳайрон бўлишиниям билмай.

— Нима қилувдинг? — Тұлған овчи тўхтаб, ҳузур қилиб керишди. Офтобга қараб вақтни чамалади. — Нега индамайсан? Гапир!

— Тош билан... — деди ғулдираб бола.

— Ичига урибсан·да, полвон. Бунақа қўли югурик бўма. Ия, дурбин қани?

Бола эчки йиқилган жойдан дурбинни олиб қайтди. Тұлған овчи чалопга тутинган эди, бошини кўтармай, хуржунга ишора қилди.

— Жойига сопқўй.

Сайд ноилож хуржундан филофни чиқарди. Булоқдан юзини ювиб қайтаётган Товқора унинг қўлидан филофни юлқиб олди·да, унга дурбинни солиб, хуржунга тикиб қўйди. Отаси ҳуда-бекъуда мақтайвергани учун у Сайдни жинидан ёмон кўрарди.

Бола дурбинсиз зерика бошлади. Устига устак, атроф шу қадар зальфарон эдик, юрак тарс ёрилай дерди.

У қирдан бурун шаклида туртиб чиққан дўнгликка кўтариларкан, кўзларини қисиб, аёвсиз қиздираётган қуёшга норози қараб қўйди. Назарид, офтоб михланган — жойидан жилай демасди, пастда ёйилган пода эса у турган ерда кафтдагидек кўзга ташланиб тўар эди. Қир бетида бошига белбогини ташлаб ўтирган Тұлған овчи унга қўл силкиб қўйди, боласи тушмагур хўп ақлли·да, деб кўнглидан ўтказди-ёв.

Сайд тимирскиланиб юриб, чала нураган тошўчоқقا дуч келди. Қизиқсиниб тўхтади. Нимасидир танишдай кўринди. Кўзин сал наридаги кулранг товатошга тушгачгина, ўчоқни бир вақтлар тօраси иккиси қурганини хотирлади. Юраги алланечук ҳапқириб, беихтиёр ҳаёлга берилди.

Бола у пайтлари мактабга қатнамасди. Бобо — тирик, момо — тирик, қўш ҳовлида чуғурашиб яшардилар. Айни баҳор кунларидан бирида тօға шаҳардан қайтди·да, хуржунга ул·бул жойлаб.

— Юр, далага кетдик, — деб қолди.

— Ия, даштга чиқиб овқат еймизми? — дея ҳайрон бўлди бола.

— Ҳа·да. Даشتнинг гаштига нима етсин, — деди то-

га хуржунни эшакка ортиб, мольбертни елкасига осаркан. — Юравер, маза қилиб келасан. Қўзиқорин-пўзиқорин учраб қолса, тагин соз. Ҳеч бўлмаса, исмалоқ териб келарсан, онанг сомса ёпиб беради.

Тофанинг хатти-ҳаракатларини анчайин кузатиб ўтирган бобо у қумғонга қўл чўзганда, чидаб туролмади.

— Одам боласига жарашибиган ишни қисанг-чи, хумпар, — деди койиниб. — Даشتда нон чайнаб ўтирганингни кўрган нима дейди.

— Даشتга фақат нон чайнагани чиқаётганимиз йўқ, ота, — Тоға кулди. — Сурат ишлаймиз...

— Расм чизсанг-ку майли-я, лекин қумғонинг ни маси?

— Чой-пой қайнатамиз.

— Чой қайнатармиш, — чол шундай дея қаватида урчуқ йигириб ўтирган кампирга юзланди. — Эшилдингми гапини? Бунинг янги қилиқ чиқарибдими? Нима, уйдан илон чиқсанми? Сен тенгилар икки-уч боланинг отаси. Уқиши битирай дединг, хўп дедик, пича ишлай дединг, бунгаям хўп дедик. Токай юрасан саланглаб?... Бас, оёғини чатиш керак буни. Ҳаракатингни қил, кампир.

— Менам шунинг ўйидаман, чол,— дея уни қувватлади кампир.— Лекин бунингизга қиз тўғрисида бир овуз гапириб бўлмайди, осмонга сапчигани-сапчиган. Узингиз айбдор, эркалатиб жубаргансиз.

— Бачалигида раътига қараган бўсам қарагандирман. — Чолнинг қовоғи осилиб, кампирига ҳўмрайиб қарди.— Ҳозир... Ҳов-в, қани, тушир хуржуннӣ! Энанг ким — Сожида сариф, отанг ким — тавони жориг... Қилган ишинингни қара! Тушир хуржунди!

Узининг мақолга тиркалганидан ранжиган кампир енг ҳимариб жанжалга киришган ҳам эдики, ҳайтовур болани онаси вақтида орага тушди.

— Энажон,вой, сиз эшилмабсиз, — деди шўхчанлик билан.— Ойша кушночди Бибигули бор-ку, ўша қизмисан қиз бўлти-да ўзиям. Кеча магазинди олдида кўриб қолдим. Қурмағур, оқи оққа, қизили қизилга ажраб, бирар қиз бўлтики, кўрган кўзнинг суқи киради. Тағин эсҳушлилигини айтмайсизми. Эна, сизга айтсан, яхши қиз узоқ турмайди, тезроқ ҳаракатингизни қилинг...

Опасининг бу гаплари тоғага зўр баҳона бўлди.

— Гапирмаган сиз қолувдингиз, — деди тўрсайиб.— Уша мақтаган қизингизни яхши биламиз. Оми, ўқимаган. Унингиз бир этак бола туғиб беришдан бошқаси-

га ярамайди. Қолаверса, ҳалитдан олахуржунни бўйинга осиб аҳмоқманми?! — Тоға сўнгги гапини алоҳида таъкидлади. — Қолаверса, эсли-ҳушли одам ўз жигарининг оёғидан чалмайди.

— Вой, ким оёғингдан чалипти? — деди опа ҳайрон бўлиб.

— Ҳа, ҳа, айнан сиз оёғимдан чалишга ҳаракат қилипсиз, — деди тоға баттар авжига миниб. — Лекин овора бўласиз. Мен ижод кишисиман! Менга бўйинтуриқ эмас, эркинлик зарур! Эркинлик!

Бу хил гапларни умрида эшишмаган чол ҳанг-манг бўлиб қолди. Охири у қўл силтади:

— Ҳай, бор, ишингдан қолма. Худо ўзингга инсоф берсин. Ишқилиб, бирортасининг этагини тутиб, шаҳарда улоқиб кетмасанг бўлди.

— Бобоси тўғри башорат қилган экан, орадан уч-тўрт ой ўтмай, чолу кампир қиз кўргани Ѣщаҳарга бориб келишди. Бир ойдан сўнг қишлоқда катта тўй бўлди. Келлин-куёв ўн кунча туриб қайтиб кетгач, бобо алам билан тиззасига шапатилади: «Тамом, жигитти қўлдан чиқардик!» Чолнинг қўзларида ёш кўрган Саид бир гал унинг гапларини тоғага айтганди, у қатъий ишонч ила шундай деди: «Уларга қолса, уйдан кўчага чиқмасам. Яхшилик қиласман деб, ёмонлик қилишини билишмайди. Бу хил шартлар рассомни ўлдиради-ку. Рассом ўз камолоти учун нафақат туғилиб ўсган юргидан, керак бўлса, ўзлигидан ҳам воз кечади. Тушундингми, жиян?»

Ўшанда уйдагиларни гап билан михлаб, кўчага чиқишилари заҳоти, тасодифни қарангки, Бибигулга дуч келдилар. Тоғадан уялдими, қиз текис ерда қоқилиб кетди. Қоқилгандаям «чиройли» қоқилди. Тоға ишшайди: «Кандидатурани қаранглар, юришниям эплаёлмайди-ку».

Ўша куни қирда кечгача қолиб кетишди. Чой-чойда, нон-нонда қолиб, тоға кун бўйи расм ишлади. Теваракатроф ям-яшил, ҳозир пода ёйилиб юрган пастлик қипқизил қизғалдоқзор. Товқора мудраб ўтирган бетда кимнингдир асалари қутилари... ҳамма-ҳаммаси суратга кўчган эди. Тоға алланечук ошиқиб, завқланиб ишларди...

От дупурини эшишиб, боланинг хаёли бўлинди. Бoshини кўтариб, дўнг ёқалаб келаётган Олим чиноқни кўрди. Чол от бошини Тўлаган овчи томон буаркан, болага кўзи тушиб, хуржундан каттакон қовун чиқарди.

— Ов, тиллатопар болам, ма.

Сайд қовунни құлиға олиб, товатош ёніга борди. Тош устини наридан бері тозалаб, қовунни ёрди. Қовун ҳали шира бойлаб улгурмаган бұлса-да, мазали әди. Тиреагидан сувини оқизиб, пок-покиза туширди. Пұчоғини молларга берди. Кейин қуйига әнган әчкіларни изінің қайтариб, пода оралаб қырға үрлади. Ҳамсұхбат топилганидан қувониб, түрнгнің қыздираётган Тұлаган овчи унине ниятими фахмлаб, ёніда ётган хуржундан дурбинни олди.

— Ма. Боягидай әр жойда тушириб қолдирма.

Бола севинчи ичига сиғмай, улоқчадай иргишлиб жойига қайтди. Товатошга чүкиб, күзига дурбинни тұғрилади... У әнді ортиқ зерикмай қўйди.

Ниҳоят орзиқиб кутилған пайт келди. Қуёш ботиши-га бир терак бүйі қолғанда катталарнинг гапи түғаб, Тұлаган овчи ўрнидан құзғалди. Қузатадаги ортеган сув-ни түкиб ташлаб, уни хуржунга солди. Олим чиноқ оти-га миниб лалми томон кетди.

Тұлаган овчи таёғини белиға құндаланғ қўйиб, по-данинг олдига тушди. Изидан сиғирлар юрди. Қир бе-тига сочилған қўй-әчкіларни йиғиши болаларнинг зи-масида әди. Сайд югуриб-елиб, уларни пастга әндирап-кан, бирдан оғеи остида ер үпирилиб, у чуқурға юма-лаб тушди. Бу ҳодиса шу даражада тез содир бұлдикни, у бақиришга улгуролмади. Жон ҳалпила юкорита тир-машаркан, гира-шира ёруғликда, сұнғыла әлаңзада кун-чиқиши томонға өзүлілганды тор йўлакини, йўлак ўртасида Тұлаган овчининг ҳовлисидағи ҳумга үхшаш нимадир хўмпайиб, турганини илғагандай бўлди. Миясига чақ-моқ янглиғ кеча дарё бўйидаги түрнгнда тилга олинган Самандарбойнинг тилла тўла хуми ўтди. Қизиқиши-устун келиб, бир хаёли уни пайпаслаб кўрмоқчи ҳам бўл-ди. Бироқ юраги дов бермади, назарида «хум» ортида нимадир мўралаб тургандай туюлди. Мушукдай сап-чиб ташқарига чиқди. Юраги тошиб, Тұлаган овчини чақирмоқчи бўлди, тағин фикридан қайтди — қизганди. Шу тобда қаноти бўлса, тоғасининг ёніга учар әди. Аммо иложи қанча.

\* \* \*

Сайд эшикдан кирасолиб ҳовлиға кўз югуртирди. Тоғаси кўринмас, отаси супада ёлғиз сабзи тўғраб ўти-пар әди.

— Тогам қани? — деди бола.

— Ҳали қайтмади, — отаси шундай дея қўра эшигидан тўпланиб турган молларга ишора қилди. — Уларни жой-жойига қантар. Токнинг тагида икки бор, бир борини бузиб, бир тутамдан ташлаб чиқ. Қўйларга кешак беришини унутма.

Кўрадаги ишларни сараижомлаб бўлиб, эшикда энсига рўпарў келди.

— Подачи боламдан айланай, — алқай кетди у. — Узимни подачи болагинамдан! Вой, қовоқларингни сени! Нима, ҷарчадингми, жоним?

Энасининг эрикалашларидан кўнгли андак таскин топган бола ёриқда ювинаш; супа лабига чўкди. Отасига синичков тинклди. Айтсанми кан-йўқми? Отанинг кўзи пичоқда, қуий лабини сал қиттигандча гиртиллатиб сабзи тўғрарди. Унинг язвойига қараб туриб, айнади. Узалиб дастурхондан сабзи олди.

— Хотин, — деди отаси бошини кўтармай. — Бунингга бир нима бер. Ҳадемай кинога чопади. Оч кетмасни.

— Вой, кино келдими?! — Бола ирғишлаб, сабзидан каттароқ тишлади.

— Йўлда Тўлаган тоғангниги кириб ўт, — деди ота ўша беларво оҳангда. — Уйда ош бўляпти, ҳаялламай ўтаркансиз дегин.

— Тайнинладим, — деди энаси боланинг олдига ярим пиёла қаймоқ қўяркан, энсаси қотиброқ.

— Яхши қиссан. Зигир мойдан мўлроқ сол.

— Оқмоям тешиб чиқмайди.

— Гапни чуватма.

Пода бўқилган кунлари Тўлаган овчининг иззатига уйда зигир ёғдан палов, ё бўлмаса сергўшт, сердумба шўрва пиширилди. Сабаби отасининг оёғида боди бор, подага ярамайди. Шу важдан поданавбат кунлари оқшом. Тўлаган овчини яхшилаб меҳмон қиласди. Бунинг устига, унинг гурунгини севади.

Бола овқатни чала-чулла ютиб кўчага отилди. Дарвозага етмай изига қайрилди. Ҳовли ўртасида тургай машинанинг сиртини сийналаб ўтиб, омбортомга кирди. Курсив олиб чиқди. Уни оямоққа ўзини ҳақли деб билди. Ахир хазина топган одамга ҳамма нарса мумкин-да.

У жўралари, айниқса, Зокирнинг кўзини ўйнатиб, или маротаба курсенда ўтириб кино томоша қиласди.

Кинодан қайтгандан, отаси Тўлаган овчи билан ҳануз турунглишиб ўтирган экан. Бола тоғасини кута-кута ухлаб қолди.

\* \* \*

Болани кун ёйилганды уйғотиши. Пода боққан күннинг эртасига истаганча ухлашга ҳақли эди. Шу боис юз-күзини силаёттан энасинг қўлини итариб ташлаб, кўрпани бошига торти. Бироқ энасинг қайноқ, дагал кафти кўрпа остидан ориқ елкаларини қидириб топди. Силаб-сийпай бошлади. Аммо бу ҳузурбахш дақиқалар жуда саноқли, талтайиб ётаверса, туйқусдан омбирдай узиб олиши тайин. Энаси серюмуш аёл — эркалаши бир дақиқадан нарига ўтмайди. Яхшиси, иззати борида тура қолгани маъқул. Бола кўрпани иддао билан тепиб ташлади, кўзига тушган офтобдан ижирғаниб, иккинчи ёнбошига ағдарилди. Қаватида келиштириб хурак отаётган тоғасини кўрди. Қачон қайтди экан? Шунда бирдан гор эсига тушди. Сапчиб турди. Энаси узоқлашиши билан тоғасини турткилай кетди. Тоға галати тамшаниб кўзларини зўрга очди. Оғзидан уфурган кўлансанга ҳиддан боланинг кўнгли ағдарилаёзди.

— Тоға! Тоға дейман! — турткиларди боланинг юраги тошгандан-тошиб. — Туринг! Туринг дейман! Самандарбойнинг тилласини топдим. Кўп, жуда кўп. Бир хум...

Тоға пашша қўригандай қўлини тўлғади. Кейин бирдан ҳушёр торти.

— Нима?

Бола узуқ-юлуқ тушинтиаркан, тоға иргиб ўрнидан турди. Апил-тапил кийиндию фонаринг борми, белкуракни олвол, деди. Сўнг машинага ўтири.

Энаси, қўлида қаймоқ тўла коса, ошхона эшигига анқайганча қола́верди.

Қоровултепадан айланиб ўтишлари билан қир бетида қорайиб турган «туйнук» ни узоқдан кўрдилар. Тоға тезликни оширди. Аммо машина баландга тирмаша олмай, ярим йўлда қолди.

— Точна! — деди тоға машинадан оширич чиқаркан, «туйнук»дан кўз узмай. — Мана буни омад деса бўлади! Оббо, Самандарбой, зап жойни топган экан-да ўзиям. Минг йил ётиб ўйласанг-да, хаёлингга келмайди бу ерда хазина борлиги. Лекин бу ҳақда бировга... а? Ну маладес!

Тоға «туйнук» оғзини наридан-бери кенгайтириб, белкуракни тик тутганча пастга сакради. Қетидан Сайд тушди. Димогига заҳ ҳиди урилди. Чироқ ёруғида кеча

хум хаёл қилгани шифтдан ўприлиб тушган тупроқ уюми эканини кўриб, ҳафсаласи нир бўлди.

— Хум деганинг шуми? — деб сўради тоға тупроқ уюмига белкурак учини санчиб. Кейин ғор деворларини ёритиб, умидвор оҳангда деди: — Табиий эмас, қазилган. Кетмон изларини кўряпсанми? Демак... бу ерда бир гап бор. Бекорга қазиб бировга зарил кептими. Самандарбой бутун мол-дунёсини кўмган бўлса-я ҳали?!

Тоға бир оз энгашиб йўлак бўйлаб юрди. Тахминан ўн беш одимлардан сўнг, ғор тубига етдилар. Шифт ўприлиб йўлак беркилиб қолган эди. Аммо улар кутган хум ҳеч қаерда кўринмасди. Фақат ҳар ер ҳар ерда қабрга ўхшаш тепачалар дўмпайиб турибди. Тоға бошида шу тепачаларга умид тикди. Қўлидаги фонарни Сайдга тутқазиб, биринчи учраганини кавлаштира бошлиди. Салдан кейин белкурак уни нимагадир тиқ этиб тегди. Тоға тиззалаб тупроқни титкилай кётди. Қўлига илингган аллақандай темир бўлагини ёруққа солиб кўраркан, кетмон синифи, айтдим-ку бу ерда бир нима бор, деди.

Ташқарида туёқ товуши эшитилганда, тоға терга тушиб, тепачани ийқитиб бўлган эди. Ишдан тўхтаб, қулоқларини динг қилди. Туёқ товушлари тобора яқинлашмоқда эди.

— Оббо, шу етмай тўрувди, — Тоға хунук сўкинди. — Аста бориб қара-чи, ким экан. Сездириб қўйма тағин.

Сайд туйнукка етмай, туёқ товушлари бирдан тинди. От пишқириғи эшитилди. Туйнук хийла тепада, бола ҳарчанд уринса-да, бўйи етмади. Қизиқ, кеча қандоқ чиқди экан? Бир сакрашдаёқ ўзини ташқарида кўрган эди-ку. Энди ноилож чироқ ёруғида тупроқ титкилаётган тоғасига юзланди.

— Бўйим етмаяпти, тоға, — деди гуноҳкорона.

Тоға ташқарига мўралаб, ўн-ўн беш одим нарида гоҳ пастдаги машинага, гоҳ туйнукка ҳайрон боқиб турган Олим чиноқни кўрди. У туйнукдан бош кўтариши билан от ҳуркиб кетиб, чол учиб тушай деди.

— Эби, Нусратвоймисан? Нима қип журибсан бу жерда?

Тоға энгил-бошини қоқа-қоқа, қаншари остидан унга ўқрайиб қаради.

— Томоша, — деди тўнғиллаб.

— Нимаси томоша экан буни? Тупроқ босиб қоса, кўрардинг томошангди. Қал-катта жигит, қип журған ишингди қара-я.

Чолнинг отдан тушганини кўриб, тоғанинг энсаси қотди. Чол энди роса эзмаланади. Қулоғини қоқиб қўлига берса ҳам керак.

Бу орада туйнук тепасига бориб, ичкарига кўз ташлади.

— Э, тағин бирор бор шекилли? — деди ҳайрати ошиб.— Э, ана, тиллатопар бола-ку,— чол ҳеделаб кулади.— Сен бола жуда тилла тоққич чиқиб қолдинг-ку, а? Тағин Самандарбойдинг хазнасини қидириб журган бўма? — у қамчисини узатди.— Ушла. Мажкам ушла. Ҳа, баракалла.— Болани гордан чиқаргач, жиддий сўради.— Узи бу жерда нима қиляпсизлар?

— Тулки овлаяпмиз, — деди тоға киприк узмай.

— Бе, саратон чилласида даштда тулки нима қиласи. Улар ҳозир тов тарафларга кетган-ку. Айтганча, ҳозир тулки овлаш мумкинмас.

— Бизга мумкин, — деди тоға чолнинг гурунглашмоқ тараддудида жойлашиб ўтирганидан баттар ғаши келиб.

— Нима, сени шохинг борми?

— Битта боласини тутиб кетсанми девдим.

— Тулки одамга эл бўмайди, — деди тоға чолнинг эрмаклаётганини пайқамай.

— Мен уни маҳсус мактабда ўқитаман.

— Жўғай, тулкиниям мактаби бўладими? — ҳайратдан чолнинг қошлари керилди.— Е мени мазах қилясанми?

— Мазаҳи нимаси. Ҳозир ҳамма нарсанинг мактаби бор. Ҳатто фаҳм-фаросатнинг ҳам...

— Унда сен бу жерда бекорга ўралашма. Қизилжарга эн. Икки-уч жерда инини кўргандай бўвдим. Бирини тут-да, бир амаллаб изингди жўрат. Жўғасам, боласини қидириб келабериб, товуқларга кун бермайди. Хумпарлар жуда жомон келади. Бола ҳаммага азиз-да. Ҳов бирда...

— Қизилжарда нима қиламан? — Тоға чолнинг ганини бўлди.— Бизга шу ер маъқул. Сиз келмаганда аллақачон бирини тутган бўлардим. Мана кўрасиз, сиз кетишининг билан биттасини тутиб оламан.

— Жўғай, — чол туйнукка шубҳа билан тикилди.— Жоввойи жондор жоввойи жерни хуш кўради. Одам қўли теккан жерни макон тутмайди у. Одам исидан...— У туйнукдан кўз узиб, тоғага синовчан қаради.— Тулки дейсан, гор жақинда очилганга ўштайди-ку. Илгари ҳеч кўзим тушмаган. Кечаям кўрмаганиман. Горариқди очилишини кутиб журган аҳмоқ тулки бор экан-да сен-

га. Ҳалиям бұса, Қизилжарға жұна. Бахтинг човиб битта-яримтасини тутиб олсанг, зора.

— Форариқ? — Тога сергак тортди. — Қанақа Форариқ ҳақида гапирияпсиз?

— Мана шу Форариқни айтапман да, — өзінде сийрак киприкларини пирпиратиб, ерга кафтани тап-тап уреди. — Нима, ҳеч әшитмаганмисан? Отанғ айтиб бермаганми? Унда мендан әшиш. — Чол гурунгга мавзуу то-пилганидан қувониб, тоғани ўтиришга таклиф этди. У бүғинлари бұшаңғанча турған жойига шилқа чўқди. Олим чиноқ тили тагига бир кафт нос ташлаб, ички бир мароқ билан ҳикоясини бошлади. — Бий жамонлар қийрқ булоқдан уш тегийман шув шиқарди. Шуви шийниди. Ҳозиям шийин, — Чол оғзи тұла нос билан гапириб маза қылолмади шекилли, носини туфлаб тамлади, кафти орқаси билан лаб-лунжини артаб, давом этди. — Ҳозирам булоқ сувидан ичаман. Бир күзаси чойимгаям, овқатимгаям жетади. Шу десант, колхұз тузыми жиллари лалмiga сув ҳайдайдыган бүлдик, фикр мендан чиқди, одамлар маъқуллади. Ҷунё үақимздыки деб керилиб журған пайтимиз, бир жил қиши билан ариқ қазидик. У вақтлар трактир-практиир деген нараса үрни-туви билан жүқ, қопда тупроқ тоныб Топлиссейн түлдирдик, чўқичминан манову қирди бозарни тешлик. Буни тешғұнчға, эх-хи қанча азоб тортмадик. Бу бизга осонаға тушмаган. Иккى жигит тупроқ тагида қолиб не-вуд бўлди. Бир Момохол кинначининг кўз очиб кўртан эри эди. Собир халта дердик уни. Ҳар бир билаги харидай-харидай... полюсон жигит эди, раҳматлы. Момохол кинначи кўп куйди, кўп қиблар эр қимай журди. Кейин Раҳмон бангининг этагини тутиб, ундан бир ўғил, икки қиз кўрди. Ули бетамиз чиқди. Аскарликка кетив, ўша ёқда уйланып қолди. Энасини ўлимитгаям кемади, имонсиз. Шайтиб десант, лалмини бор қилдик, ҳаворга пахта экдик. Орадан сағал ўтмай, шу билмадым... балиқ жилемди, аниқ эсда жүқ, жер қимирлаб, булоқдан сув қочди. Мингбулоқ ҳам ўша жили қуриб қотан. Колхұзға киришга ройиш бермагани учун Үроқ қолда айриб, яккалаб ташлагандик. Бизга ачув қип, у дайра бўйида жой қилди, ҷархналак ясад сув шиқарди. Мияли эди, баччагар. Кейин бутун қишлоқ настга ёди. Форариқ шу созда кўмилиб кетди. Бир замонлар бундан уч тегирмон сув ҳайқириб оқарди десант, бирор ишонмайди. Оқуви зўр эди, кела-келгунча нишобликда. Ана қарагин, ҳалиям изи бор.

Ҳақиқатан ҳам чол кўрсатган ёнбағирликдан бир кётмон чуқурлигига ариқ изи ўтган бўлиб, нариги боши буғдойпояга, беригиси туйнукдан сал қуйироққа келиб тақалганди.

Умиди саробга айланган тоға бўғзига келиб тираган заҳрини кимга сочишини билмай танг аҳволда қолганди. Чолнинг оғзига тикилиб, анқайиб ўтирган болага сочай деса, сир очилиши тайин—чол унинг қилифини бутун қишлоққа достон қилади. Ичига ютай деса, баданига уриб кетадигандай, чидамоқ қийин эди.

— Ариқ баҳона Самандарбойнинг тилласини қидирган бўлманг тағин?! — деди охирни чидаёлмай.

— Эй-й, болам-эй, Самандарбойда тилла нима қиласди, — деди чол унинг заҳар тўла кесатигига эътибор бермай. — Тилласи бўса қўярмидик. Бурнидан ситиб олардик. Аммо бойдинг, бир хум тилла кўмдим, худо насиб этиб, қайтсан, жалоғингни тилладан ясад, итими қаватига бойлаб қўяман, дегани чин. Аслида ҳеч қандай тилласи бўмаган, аламдан айтган бу гапни у.

— Унда шунча гап, шунча ваҳима нимага керак эди? — деди тоға чолнинг гапидан ғоят таажжубда.

— Энди... буям бир ҳангома-да, бўтам, — чол гуноҳкорона илжайди. — Айтабериб-айтабериб ўзим ҳам чиппа-чин ишониб қопман. Қирга чиқсан, тўрт томонимга қарайман, қидиринаман десанг. Худди... Сенга айтсан, бу ҳангомадан журак қурғурди ҳоври андак босилади. Нимага десанг, савобимиздан гуноҳимиз кўп. Замон шунақа эди, бой зоти борки, кўзимизга ғаним кўринган. Жўқса, Тўрабой билан Чўлибойдан бошқаси ғанимликка ҳад қилолмаган. Тўрабой отиша-отиша ағон ошиб кетди. Чўлибойди Қизилжарда аскарлар отиб ўлдирди. Қолганлари безиён — айби ўзига тўқлиги эди. Олди-ортини суриштирмай бадарға қилаберибмиз, кейини ўйламабмиз, мана энди, ҳар эслаганда, журак туз сепгандай жиз-жиз ачишади. Журакди тафтини босиш учун Самандарбойдинг жўқ тилласини бор хаёл қиپ чайнаб журибмиз-да. Шу билан ўзимди андоқ гуноҳдан фориғ сезаман. Киши кўнгли кўп қизик-да, а, Нусратвой?

— Бу гапларни нега менга айтяпсиз?

— Кимгадир айтишим керак-ку ахир, болам. Менам тирик жон... кимгадир журагимни бўшатгим келади-да. Бошқаларга айтсан, ишонишмайди, чол алдаяпти, деб ўйлашади. Кеча Тўлаганбойга айтсан, жомон қарибсиз,

бобой, менга жуқмади, бошқаларгаям бўмасин дейсизда, а, дейди. Тағин, минг ўтирик айтманг, ўзингизди минг у ёқ-бу ёққа ташламанг, кимдир бирор барибир товуб олади дегани зиёда. Ҳатто Тўлаганбой ишонмайди менга, бошқаларни-ку қўяберасан энди.

Тоға ўзини босишга қанчалик уринмасин, қишлоққа келган куни боланинг ношудлиги туфайли вужудини ўртаган алам ҳисси секин-аста юрагини исканжага ола бошлади. Самандарбойнинг хазинаси ёлғон бўлиб чиқишини мутлақо хаёлига келтирмаган ва уни форнинг аллақайси бурчидা кўмилиб ётганига шубҳа қилмай турган бир пайтда чолдан аниқ ҳақиқатни эшитиш унга жуда оғир эди. Ахир форга тушгунча не-не ширин хаёлларга бормаганди. Мана энди ҳаммаси сароб бўлиб чиқди. Шу топда у сўкинишни, бақиришни, ичидаги бор заҳар-зақўумни киммингидир афтига туфлашни истарди. Бу истак дақиқа сайин кучаймоқда эди. Шусиз таскин тополмаётгандек туюларди. Уша кимдир шундоққина қаршисида ҳамон эзмаланиб ўтиради.

— Сиз ёмон одам экансиз! — деди ниҳоят овози қалтираб.

— Ҳа, жомон бўғанмиз, болам.

Тоғанинг «тупиги» оғзида қолди. Чолдан у ёътиrozли жавоб кутганди. Нордон жавоб юрагини бўшатишга имкон бериши керак эди.

— Ёмон... жуда ёмон одам экансиз! — деди у яна саркаш бир оҳангда.

— Энди-и, ўтган ишни бетга сома-да, бўтам.

— Иўқ, сиз барибир ёмон одамсиз! Абраҳимсиз!

— Сенга ўзи нима бўлди, улим?

Бола эсига тушиб, тоға унга юзланди.

— Сен эса эшшаксан! Ношуд, ландовур, аҳмоқсан!

Чол билан бола тўсатдан жазавага тушган бу одамга анқайганча тикилиб қолишиди.

— Сенга нима бўлди, улим? — деб қайта сўради чол. — Тинчликми ўзи? Чотига сўна жовишган бузоқдай бунча иргишилаб қолдинг.

— Ҳеч гап!... — Тоға титроқ бармоқлари билан чўнтағидан сигарет оларкан, пўрим энгил-боши тупроқ-қа беланганини кўриб баттар қутурди. — Э, ўша Самандарбойнгизниям, сизниям... Сизни ўзи ким чақирди бу ерга?! Нима қилиб эзмаланиб ўтирибсиз?! Туриңг! Кетинг!

— Тувба! Эшакмия жегании бу бола! — чол тиз-

заларини шиқирлатиб ўрнидан қўзғолди.—Худоё тунба! Нима бало, қутургац ит қоғсанми дейман буни!

— Ув-в, оғизга қараб гапиринг!

Чолнинг жаҳли қўзида, отига томон бораётган жойда шартта изнга қайрилди.

— Ана овузга қарамадик! — деди қамчи дастасини маҳкам сиқиб.—Хўш, нима қимоқчисан?! Айт! Урасанми? Ур! Қани, кўрай-чи қандай ураркансан! Андеша қиган сари бунча ўзингдан кетасан! Кимсан ўзинг?! Биз хато қисак-да, нимагадир интилгандик! Ҳаммаси яхши бўлсин дердик, Бунинг учун, керак бўса қонам тўкканмиз! Чўлибойди узган ўқи ҳали-ҳали қовурғамди остида турибди. Жил ўтган сайнин ўзини билдириб, жонимди тавонимга туширади. Ўзинг-чи? Ўзинг кимсан? Элнинг на иссирида борсан, на совуғида. Худо билади, не мақсадда тентираб юрибсан. Хўш, шаҳар кетиб нима каромат кўрсатдинг? Ортиқалини боласидай катта-конликка домангирмисан? Эл-журтга манови болачалик нафинг тегмайди-ю, димоғинг тошди жоради! Э, сени ўқитганди энасини..

— Кетинг, бобой, кетинг! — деди у гўё барчасига чөл айбордай уни еб-ютуб қўйгидек бир важоҳатда.— йўқса, бир бало қип қўяман ҳозир!

— Кетаман ҳалиям! Бетингни томоша қип ўтиради; ган одам жўқ бу ерда! Аҳмоқ!

— Вей, сассиқ чол! — Тоға ўтирган ерида пайпасла-ниб тош қидирди.

— Тоға! — деди қўрқиб кетган бола.

Тоға ёнига ўгирилиб, болани кўрди. Ҳамма-ҳаммасига мана шу айборд, деди ички бир туйғу.

— Нима дейсан?! — деди кўзларини пахтаси чи-киб. — Йўқол кўзимдан!

— Тоға! — деди бола бундан ортиқ нима деярини билмай.

— Нима тоға! — у боланинг юзига тарсаки тортиб юборди. — Тур, йўқол!

У чалқанча ағдарилиб тушган болага ортиқ зъти-бор бермай, узалиб сал наридаги тошини олди-да, уни туйнукка қараб отганча бўралаб сўкинди. Қейин мани-наси томон юрди. Ярим йўлга боргачтина, ортига ўги-рилди. Бола белкурак тутганча ҳануз туйнук ёнида ту-рарди.

— Юр! — деди у дўқ билан.

Бола саркаш бир қиёфада бош чайқади.

— Юр дёяпман сенга! — Тоға унга қараб бир-икки тим ташлади.

Бола кетига тисарилди.

— Аммо тутиб олсам... — Тоға ер тепинди.

Бола у қувиб етолмайдиган масофага бориб тұхтади.

— Юрмасаң юрма! Менга деса, бўри еб кетмайди сени!

Тоға машинани муюлишгача елдириб келди-да, илкис тұхтатди. Кетаверишга күзи қиймади. Машинадан ғушиб, кафтини пешонасига қўйганча қир томонга кўз ғашлади. Бола Форариқ изи бўйлаб секин кетиб борарди. Буғдойпояни кесиб чиқса бўлди, қишлоққача етиб олади. Тоға боланинг ушоқлигини энди пайқаётгандай, унга узоқ тикилиб қолди. Үзидан-ўзи ўқинди, сўнг ғудраниб сўқинди. Қизил духоба сирилган юмшоқ ўринидик-қа оғир чўқдию рул чамбаригага кўксини босганча но маълум бўшлиққа термулиб ўгириб қолди.

Кечга яқин тиллаларни айритомлик Ўнар соқол олгани маълум бўлди. Бу хабарни қишлоққа Акбар милиса топиб келди.

Бу пайтда тоға шаҳар йўлида эди.